

四庫全書

子部

欽定四庫全書

子部

證類本草卷十一

詳校官太醫院醫士臣程泰

編修臣倉聖脈覆勘

總校官編修臣王燕緒

校對官待詔臣胡士震

謄錄監生臣趙廷璋

繪圖監生臣李鈞

欽定四庫全書

證類本草卷十一

宋 唐慎微 撰

草部下品之下總一百五種

一十八種神農本草經

一十八種名醫別錄

二十四種唐本先附

注云唐附

一十七種今附

皆醫家常用有效注云今附

一十一種新補

六種新定

一十一種陳藏器餘

凡墨蓋子已下並唐慎微續證類

何首烏

附今

商陸

章柳根也

威靈仙

附今

牽牛子

蓖

音單

麻子

葉附唐附

蒴藿

天南星

附今

羊蹄

酸模續注

菰根

篇蓄

狼毒

獐

音喜

蒼

音唐附

杖

馬鞭草

芋根

白頭翁

甘蕉根

芭蕉油  
續注

蘆根

葦筍  
等附

鬼臼

角蒿

唐附  
蒿續注

馬兜零

附今

仙茅

附今

羊桃

鼠尾草

女青

故麻鞋底

附唐

劉寄奴草

附唐

骨碎補

附今

連翹

續隨子

附今

敗蒲蓆

編薦索  
續注

山豆根

石鼠腸  
附今附

三白草

附唐

蔞茹

音茹  
如音

蛇莓

音每

金星草

新定

葎草

附唐

鶴蝨

附唐

地菘

附今

雀麥

附唐

甌帶灰

附唐

赤地利

附唐

烏韭

白附子

紫萸

附唐

獨行根

附唐

猪膏母

附唐

鹿藿

蚤林

早音紫何車也

石長生

烏歛母

歛音母附唐

陸英

預知子

附今

葫蘆芭

新定

弓弩絃

木賊

新定

蓋草

音爐

蒲公草

附唐

穀精草

附今

牛扁

音褊

苦芙

音襖

昨葉何草

附唐

酢漿草

附唐

蕝頭草

附今

夏枯草

鶯蓐草

補新

鴨跖草

補新

山慈菰

補新

蔞實

附唐

赤車使者

附唐

狼跋子

屋遊

地錦

定新

敗船茹

如音

燈心草

附今

五毒草

補新

鼠麴草

補祈

列當

附今

馬勃

屐

刷音  
屐音  
變

鼻繩

附唐

質汗

附今

水蓼

附唐

猶草

補新

敗芒箔

補新

狗舌草

附唐

海金沙

新定

萱草

新補

格注草

唐附

雞窠中草

新補

雞冠子

新補

地椒

新定

草三稜

今附

合明草

新補

鹿藥

今附

敗天公

一十一種陳藏器餘

毛茛

蔭命

毒菌

草禹餘糧

鼠蓑草

廉薑

草石蠶

漆姑草


麋目



西京何首烏

梨豆

諸草有毒



何首烏味苦澀微溫無毒主瘰癧消癰腫療頭面風瘡  
五痔止心痛益血氣黑髭鬚悅顏色久服長筋骨益精  
髓延年不老亦治婦人產後及帶下諸疾本出順州南  
河縣今嶺外江南諸州皆有蔓紫花黃白葉如薯蕷而  
不光生必相對根大如拳有赤白二種赤者雄白者雌  
一名野苗一名交藤一名夜合一名地精一名陳知白

春夏採臨用以苦竹刀切米泔浸經宿暴乾木杵

臼搗之忌鐵

今附臣禹錫等謹按日華子云味甘久服  
令人有子治腹藏宿疾一切冷氣攻腸風

此藥有雌雄者苗葉黃白雌者赤黃色凡修合藥須  
雌雄相合喫有驗其藥本草無名因何首烏見藤夜交  
便即採食有功因以採  
人為名耳又名桃柳藤

### 圖經曰

何首烏本出順州南河縣嶺外江南諸州亦有  
今在處有之以西洛嵩山及南京柘城縣者為勝

春生苗葉葉相對如山芋而不光澤其莖蔓延竹木牆  
壁間夏秋開黃白花似葛勒陀結子有稜似蕎麥而細  
小纔如粟大秋冬取根大者如拳各有五稜瓣似小甜  
瓜此有二種赤者雄白者雌採時乘濕以布帛拭去土  
後用苦竹刀切米泔浸一宿暴乾忌鐵以木臼杵搗之  
一云春採根秋採花九蒸九暴乃可服此藥本名交藤  
因何首烏服而得名何首烏者順州南河縣人祖能嗣  
本名田兒生而闈弱年五十八無妻子一日醉卧野中  
見田中藤兩本異生苗蔓相交久乃解解合三四田兒  
心異之掘根持問鄉人無能名者遂暴乾搗末酒服七

日而思人道百日而痿疾皆愈十年而生數男後改名能嗣又與子庭服皆壽百六十歲首烏服藥亦年百三十歲唐元和七年僧文象遇茅山老人遂傳其事李翔因著方錄云又叙其苗如水蘂光澤形如桃竹葉其背偏獨單皆生个相對有雌雄者雌者苗色黃白雄者黃赤其生相遠夜則苗蔓交或隱化不見春末夏中初秋三時候晴明日兼雌雄採之列日暴乾散服酒下良採時盡其根葉潤以布帛拭去泥土勿損皮密器貯之每月再暴凡服偶日二四六八日是服訖以衣覆汗出導引尤忌猪羊血其叙頗詳故載之

### 經驗方

何首烏新採者去皮土後用銅竹刀薄切片上甑如炊餅蒸下用甕石鍋忌鐵旁更別燒

一鍋常滿添水候藥甑氣上遂旋以熱水從上淋下勿令滿溢直候首烏絕無氣味然後取下一匙頭汁白湯亦可此是藥之精英與常不同治骨軟風腰膝疼行履不得適身癢痒首烏大而花紋者同牛膝剉各一斤

以好酒一升浸七宿暴乾於木臼內搗末密丸每日空心食前酒下三十九

又方

治諸處皮裏面痛首烏末薑汁調成膏痛處以帛子裹之用火炙鞋底熨之妙

斗門方

治癰瘰或破不破以至下胃前者皆治之用九真藤取其根如雞卵大洗生嚼常服又取葉搗

覆瘡上敷服即止其藥久服黑髮延年或取其頭獲之九數者服之乃仙矣其葉如杏其根亦類瘰子用之如神入堪為利術伏沙子自有法一名何首烏又名赤葛

王氏博濟

治疥癬滿身作瘡不可治者何首烏艾等分以水煎令濃於盆內洗之甚能解痛生肌肉

何首烏傳

昔何首烏者順州南河縣人祖名能嗣父名延秀能嗣常慕道術隨師在山因醉夜卧山

野忽見有藤二株相去三尺餘苗蔓相交久而方解解了又交驚訝其異至旦遂掘其根歸問諸人無識者後

有山老忽來示之答曰子既無嗣其藤乃異此恐是神  
仙之藥何不服之遂杵為末空心酒服一錢服數月似  
強健因此常服又加二錢服之經年舊疾皆痊髮烏容  
少數年之內即有子名廷秀秀生首烏首烏之名因此  
而得生數子年百餘歲髮黑有李安期者與首烏鄉里  
親善竊得方服其壽至長遂叙其事何首烏味甘生溫  
無毒茯苓為使治五痔腰膝之病冷氣心痛積年勞瘦  
痰癖風虛敗劣長筋力益精髓壯氣駐顏黑髮延年婦  
人惡血痿黃產後諸疾赤白帶下毒氣入腹久痢不止  
其功不可具述一名野苗二名交藤三名夜合四名地  
精五名首烏本出虔州江南諸道皆有之苗葉有光澤  
又如桃李葉惟苗亦根遠不過三尺春秋可採日乾去  
皮為末酒下最良有疾即用茯苓湯下為使常杵末新  
甕器盛服之忌猪肉血無鱗魚觸藥無力此藥形大如  
拳連珠其中有形鳥獸山岳之狀珍也掘得去皮生喫得  
味甘甜味糧讚曰神効助道著在仙書雌雄相交夜合

晝踈服之去穀日居月諸返老還少變安病軀有綠者  
遇傳之勿泄最尔自如明州刺史李遠傳錄經驗何首  
烏所出順州南河縣韶州潮州恩州賀州廣州四會縣  
潘州已上出處為上邕州晉興縣桂州康州春州勤州  
高州循州已上所出次之其仙草五十年者如拳大號  
山奴服之一一年髭鬚青黑一百年如椀大號山哥服之一  
年顏色紅悅一百五十年如盆大號山伯服之一一年齒  
落重生二百年如斗栲栳大號山翁服之一一年顏如童  
子行及奔馬三百年如三斗栲栳大號山  
精服之一一年延齡純陽之體久服成地仙

### 衍義曰


何首烏兼黑髭鬚與蘿蔔相惡  
令人髭鬚早白治腸風熱多用

金定四庫全書

卷十一



并州商陸



陸商府翔鳳

金匱要略

卷十一

卷十一



商陸味辛酸平有毒主水脹疝瘕痺熨除癰腫殺鬼精

物療背中邪氣水腫痿痺腹滿洪直䟽五藏散水氣如

人形者有神一名葛根一名夜呼生咸陽川谷

陶隱居云近道

處處有方家不甚乾用療水腫切生根雜生鯉魚煮作湯  
道家乃散用及煎醱皆能去尸蟲見鬼神其實亦入神  
藥花名蕩花尤良唐本注云此有赤白二種白者入藥  
用赤者見鬼神甚有毒但貼腫外用若服之傷人乃至  
痢血不已而死也今注商陸一名白昌一名當陸臣禹  
錫等謹按蜀本圖經云葉大如牛舌而厚脆有赤花者  
根亦白花者根白今所在有之二月八月採根日乾爾  
雅云遂蕩馬尾注廣雅曰馬尾商陸本草云别名蕩今  
關西亦呼為蕩江東呼為當陸釋文云如人形者有神  
藥性論云當陸使忌犬肉味甘有大毒能瀉十種水

病喉痺不通薄切醋熬喉腫處外傳之差日華子云白  
章陸味苦冷得大蒜良通大小腸瀉盛毒陸胎協腫毒  
傳惡瘡赤  
者有毒

圖經曰

商陸俗名章柳根生咸陽山谷今處處有之多  
生於人家園圃中春生苗高三四尺葉青如牛

舌而長莖青赤至柔脫夏秋開紅紫花作朶根如蘆龍  
而長八月九月內採根暴乾其用歸表舌方術家多用  
之亦可單服五月五日採根竹筴盛掛屋東北角陰乾百日  
搗篩并華水調服云神仙所秘法喉中卒被毒氣攻痛  
者切根炙令熟隔布熨之冷輒易立愈其花主人心忪  
塞多忘喜誤取花陰乾百日搗末日暮水服方寸匕卧  
思念所欲事即於眼中自覺爾雅謂之遂蕪廣雅謂之  
馬尾芴謂之芴陸皆謂此商陸也然有赤白二種花亦  
者根赤花白者根白赤者不入藥服食用白者又一種  
名赤葛苗葉絕相類不可用服之傷筋消腎須細辨之

雷公云

凡使勿用赤葛緣相似其赤葛花莖有消筋腎之毒故勿餽章陸花白年多後仙人採之

用作脯可下酒也每修事先以銅刀刮去上皮了薄切以東流水浸兩宿然後漉出架甑蒸以豆葉一重了與

章陸一重如斯蒸從午至亥出仍去豆葉暴乾了細剉用若無豆葉只用豆代之

外臺秘要

治水氣商陸根白者去皮切如小豆許一大盞以水三升煮取一升已上爛即取粟米一

大盞煮成粥仍空心服若一日兩度服即恐利多每日服一頓即微利不得雜食

又方

治療癰喉痺卒攻痛搗生章陸根捻作餅子置療癰上以艾炷於藥上灸三四壯

千金髓

治水氣浮腫白商陸六兩取汁半合和酒半升看大小相度與服當利下水差

又方

卒暴癰腫中有物如石痛刺啼呼若不治百日死多取商陸根搗汁或蒸之以布藉腹上安藥勿覆

冷復易盡  
夜勿息

### 經驗方

治水疾。樟柳根去麤皮薄切暴乾為末。用黃蘗魚三頭大蒜三瓣菜豆一合。以水一大碗同煮。

豆爛為度。將豆任意先吃了。却以汁調藥末一錢七。其水化為清氣消。

### 梅師方

治水腫不能服藥。商陸一升羊肉六兩。以水一斗煮取六升。去滓和肉葱豉作臠。如常法食之。商陸白者妙。

### 孫真人食忌

主一切熱毒腫。章陸根和鹽少許。傳之日再易。

### 又方

主瘡中毒。切章陸根多。熱布裹熨之。冷即易。


### 斗門方

治脚軟。用章柳根細切。如小豆大。煮令熟。更入菜豆同爛煮為飯。每日如此。修事服餌。以差為度。其功最妙。

### 張文仲

治石癰。堅如石。不作膿者。生章陸根。搗擦之。燥即易取軟。為度。


井州威靈仙



晉州威靈仙

金匱要略卷之六

卷十一






石州威靈仙



寧化軍威靈仙

金匱要略卷之二十一

卷十一



威靈仙味苦溫無毒主諸風宣通五藏去腹內冷滯心  
膈痰水久積癥瘕瘰癧氣塊膀胱宿膿惡水腰膝冷疼  
及療折傷一名能消久服之無溫疫瘧出商州上洛山  
及華山并平澤不聞水聲者良生先於衆草莖方數葉  
相對花淺紫根生稠密歲久益繁冬月丙丁戊巳日採

忌茗

今附臣禹錫等謹按蜀本云九月末  
至十一月採陰乾餘月並不堪採

圖經曰

威靈仙出商州上洛山及華山并平澤今陝西  
州軍等及河東河北京東江湖州郡或有之初

生比衆草最先莖使如釵股四稜葉似柳葉作層每層  
六七葉如車輪有六層至七層者七月內生花淺紫或

碧白色作穗似蒲臺子亦有似菊花頭者實青根稠密多鬚似穀每年似朽敗九月採根陰乾仍以丙丁戊己日採以不聞水聲者佳唐正元中嵩陽子周君巢作威靈仙傳云先時商州有人重病足不履地者數十年良醫殫技莫能療所親置之道傍以求救者過一新羅僧見之告曰此疾一藥可活但不知此土有否因為之入山求索果得乃威靈仙也使服之數日能步履其後山人鄧思齊知之遂傳其事崔元亮海上方著其法云採得陰乾月餘搗篩溫清酒和二錢匕空腹服之如人本性殺藥可加及六錢匕利過兩行則減之病除乃停服其性甚善不觸諸藥但惡茶及麪湯以甘草梔子代飲可也

唐本云

腰腎脚膝積聚腸內諸冷病積年不差者服之無不立效出商州洛陽縣九月末至十二

月採陰乾餘月並不堪採每年傍引年深轉茂根苗漸多經數年亦折敗

千金方

治腰脚痛威靈仙為末空心温酒調下錢匕逐日以微利為度

經驗方

治大腸久冷威靈仙蜜丸桐子大於一更內生薑湯下十九至二十九

又方

治腰脚威靈仙一斤洗乾好酒浸七日為末麴糊凡桐子大以浸藥酒下二十九

集驗方

治腎藏風壅積腰膝沉重威靈仙末蜜和丸桐子大初服温酒下八十九平明微利惡物如青

囊疹即是風毒積滯也如未利夜再服一百丸取下後喫粥藥補之一月仍常服温補藥孫兆放杖丸同

崔氏海上集

威靈仙去衆風通十二經脉此藥朝服暮效疎宣五藏冷膿宿水變病微利不瀉入

服此四肢輕健手足温暖並得清涼時商州有人患重足不履地經十年不差忽遇新羅僧見云此疾有藥可理遂入山求之遣服數日平復後留此藥名而去此藥治丈夫婦人中風不語手足不隨口眼喎邪筋骨節風

胎風頭風暗風心風風狂人傷寒頭痛鼻清涕服經二  
度傷寒即止頭旋目眩白癩風極治大風皮膚風痒大  
毒又熱毒風瘡深治勞疾連腰骨節風遠脫風言語澁  
滯痰積宣通五藏腹內宿滯心頭痰水膀胱宿膿口中  
涎水好喫茶泮手足頑痺冷熱氣壅腰膝疼痛久立不  
得浮氣瘴氣憎寒壯熱頭痛充甚攻耳成膿而聾入衝  
眼赤大小腸秘服此立通飲食即佳黃疸黑疸面無顏  
色癩瘕遍項產後秘澀腹痛曾經損墜心痛注氣腸  
氣冷氣攻衝腎藏風壅腹肚脹滿頭面浮腫注毒脾肺  
氣痰熱數嗽氣急坐卧不安疥癬等瘡婦人月水不來  
動經多日血氣衝心陰汗盜汗鷄臭穢甚氣息不堪勤  
服戒靈仙更用熱湯盡日頻洗朝以苦唾調藥塗身上  
內外每日一次塗之當得平愈核子無辜令母含藥灌  
之痔疾秘澀氣痢絞結並皆治之戒靈仙一味洗焙為  
末以好酒和令微溫入在竹筒內牢塞口九蒸九暴如  
乾漆酒酒之以白蜜和為丸如桐子大每服二十至三

十九湯  
酒下

衍義曰

威靈仙治腸風根性快  
多服疏人五藏真氣


欽定四庫全書

卷十一

三



越州牽牛子



牽牛子味苦寒有毒主下氣療脚滿水腫除風毒利小

便

陶隱居云作藤生花狀如菡萏豆黃色子作小房實黑色形如棟子核比來服之以療脚滿氣急得小便利無

不差此藥始出田野人牽牛易藥故以名之又有一種草葉上有三白點俗因以名三白草其根以療脚下氣亦甚有驗唐本注云此花似旋菑花作碧色又不黃不似菡萏其三白草有三黑點非白也古人秘之隱黑為白爾雅不見但聞而傳之謂實白點今注此藥蔓生花如鼓子花而稍大作碧色子有黃殼作小房實黑稍類蕎麥比來服之以療脚腫滿氣急利水道無不差者臣禹錫等謹按蜀本圖經云苗蔓生花碧色子若蕎麥三稜黑色九月已後收子所在有之藥性論云牽牛子使味甘有小毒能治痰癰氣塊利大小便除水氣虛腫落胎日華子云味苦療得青水香乾薑良取腰痛下冷膿瀉蠱毒藥并一切氣壅滯

圖經曰

牽牛子舊不著所出州土今處處有之二月種子三月生苗作藤蔓透籬牆高者或三二丈其

葉青有三尖角七月生花微紅帶碧色似鼓子花而大八月結實外有白皮裏作毬每毬內有子四五枚如蕎麥大有三稜有黑白二種九月後收之又名金鈴段成式酉陽雜俎云盆甌草即牽牛子也秋節後斷之狀如盆甌其中子似龜蔓如山芋即此也

雷公云

草金零牽牛子是也凡使其藥秋末即有實冬收之凡用煎乾却入水中淘浮者去之取

沉者煎乾拌酒蒸從巳至未煎乾臨用春去黑皮用

食療

云多食稍冷和山菜羹服之去水病

聖惠方

治水氣遍身浮腫氣促坐臥不得用牽牛子二兩微炒擣細末烏牛尿浸一宿平旦入葱白一握

煎十餘沸去滓空心分  
為二服水從小便中下

### 肘後方

治風毒脚氣若脛已滿捨之沒指者取牽牛子  
擗蜜丸如小豆大每服五丸生薑湯下取令小

便利亦

可止

### 斗門方

治風氣所攻藏府積滯用牽牛子以童子小便  
浸一宿後長流水上洗半日却用生絹袋盛掛

於當風處令好乾每日鹽湯下三十粒極  
能搜風亦善消虛腫久服令人體清爽

### 王氏博濟

治三焦氣不順膏膈壅塞頭昏目眩涕唾痰  
涎精神不爽利膈丸牽牛子四兩半生半熟

不蛀皂莢塗酥炙二兩為末生薑自然汁  
煮糊丸如桐子大每服二十九丸荆芥湯下

### 又方

治產前滑胎牽牛子一兩赤土少許研令  
細每覺轉痛頻煎白榆皮湯調下一錢已

又方

治男子婦人五般積氣成聚熱牽牛一斤生搗末  
八兩餘滓於新瓦上炒令香熟放冷再搗取四兩

熟末十二兩拌令勻煉蜜和丸如桐子大患積氣至重  
者三五十九煎陳橘皮生薑湯下臨臥空心服之如一  
更至三更已來藥行時効應未動再與二十九投之轉  
下積聚之物常服十丸至十五丸行氣甚妙小兒十五  
已下至七歲已上服五丸至  
七九年及五十已上不請服

簡要濟衆

治大便澀不通牽牛子半生半熟搗為散每  
服二錢煎薑湯調下如未通再服改以熱茶

調下量虛實無  
時候加減服

衍義曰

牽牛子諸家之說紛紛不一陶隱居尤甚言花  
狀如菟豆殊不相當花朵如鼓子花但碧色日

出開日西合今注又謂其中子類蕎麥亦非也蓋直如  
水猴梨子但黑色可微炒搗取其中粉一兩別以麩炒

去皮尖者桃仁末半兩以熟蜜和丸如梧桐子溫水服  
三二十九丸治大腸風秘壅熱結澁不可久服亦行脾腎  
氣故也

明州蓖麻



本草綱目

雜類本草

十九

儋州蓖麻





蓖音草麻子味甘辛平有小毒主水癥水研二十枚服之

吐惡沫加至三十枚三日一服差則止又主風虛寒熱

身體瘡癢浮腫尸疰惡氣竿取油塗之

葉主腳氣風腫不仁擣蒸傅之

曹本注云此人間所種者葉似大豚葉而甚大

其子如婢音卑又名草麻今胡中來者莖赤樹高丈餘子大如皂莢核用之益良油塗葉炙熱熨顛音信上止

蚬尤驗也唐本先附臣禹錫等謹按蜀本圖經云樹生葉似大麻大數倍子殼有刺實大於巴豆青黃色班夏

用莖葉秋收子冬採根日乾胡中來者莖子更倍大所在有之又云葉似葎草而厚大莖亦有節如甘蔗日華

子云治水脹腹滿細研水服壯人可五粒催生傅產人手足心產後速拭去瘡癢疥癩亦可研傅

圖經曰

蓖麻子舊不著所出州郡今在處有之夏生苗葉似葎草而厚大莖赤有節如甘蔗高丈許秋

生細花隨便結實殼上有刺實類巴豆青黃斑褐形如牛蟬故名夏採莖葉秋採實冬採根日乾胡中來者莖子更大崔元亮海上方治難產及胞衣不下取蓖麻子七枚研如膏塗脚心底子及衣纜下便速洗去不爾腸出即用此膏塗頂腸當自入

雷公云

凡使勿用黑天赤利子緣在地蔓上生是類兩頭尖有毒藥中不用其草麻子形似巴豆

節節有黃黑斑點凡使先須和皮用鹽湯煮半日去皮取子研過用

外臺秘要

治半身不遂失音不語取草麻子油一升酒一斗銅鉢盛油著酒中一日煮之令酒油熟

之服

又方

治水氣取草麻子去皮研令熟水解得三  
合清旦一頓服之盡日中當下青黃水

千金方

治嶺南脚氣從足至膝脛腫滿連骨疼  
者草麻子葉切蒸薄裹二三易即消

肘後方

治一切毒腫疼痛不可  
忍者搗草麻子傅之差

又方

產難取草麻子二枚兩  
手各把一枚須臾立下

經驗後方

治風疾鼻塌草麻不拘多少去皮拍為一片  
用黃連等分搥碎二件用水一處浸七宿後

空心日午時只用水吞下一片水盡旋添勿令  
乾服兩月後喫大蒜猪肉試驗如不發動便是效也若

發動時依前法再服直候不發  
如只腿脹用針出毒物累有神效

修真秘旨

治小兒丹瘤蓖麻子五箇去皮  
研入麪一匙水調塗之甚效

杜壬

治厲風手指攣曲節間痛不可忍漸至漸落方草一兩去皮黃連一兩剉如豆以小瓶子入水一

升同浸春夏三日秋冬五日後取草麻子一枚擘破面東以浸藥水平旦時一服漸加至四五枚微利不妨瓶

中水少更添忌動風食累用得效

又方

治咽中瘡腫草麻子一枚去皮朴硝一錢同研新汲水作一服連進二三服效

初虞世

治湯火傷神妙草麻子蛤粉等分末研膏湯損用油調塗火瘡用水調塗

衍義曰

蓖麻子作朶生從下旋旋開花而上從下結子宛如牛身之蟬取子炒熟去皮爛嚼臨睡服三

二枚漸加至十數枚治瘰癧必效

蒴藿味酸温有毒主風瘰癧身痒濕痺可作浴湯一

名董草一名芟生田野春夏採葉秋冬採莖根

今附陶隱居云

田野墟村中甚多絕療風痺痒痛多用薄洗不堪入服亦有酒漬根搗飲之者唐本注云此陸英也剥出此條爾雅云芟董草郭注云烏頭苗也檢三董別名又無此者蜀人謂烏頭苗為董草陶引此條不知所出處藥對及古方無蒴藿惟言陸英也今注蒴藿條唐本編在狼跋子之後而與陸英條注解並云剩出一條今詳陸英味苦寒無毒蒴藿味酸溫有毒既此不同難謂一種蓋其類爾今但移附陸英之下臣禹錫等謹按日華子云味苦涼有毒治癩癩瘋風痺並煎湯浸并葉用

圖經

文具陸英條下

雷公云

凡便之春用隔年花葉夏用根秋冬並搗用作煎只取根用銅刀細切於柳木臼中搗取

自然汁緩緩於鍋子  
中煎如柿餠任用也

### 外臺秘要

治卒暴癱腹中有物堅如石痛欲死取菟藿  
根一小束洗漑去水細擘以酒二升漬三宿

暖溫服五合至一升日三若欲速得服於熱灰中溫令  
藥味出服之此方無毒已愈十六人神驗藥盡腹作服  
之

### 又方

治腰痛方菟藿葉火燎厚鋪牀上趁熱卧眠於上  
冷復易之冬月取根舂碎熱及熱準前用并治風

溫濕冷痺及產婦患傷  
冷腰痛不得動亦用

### 又方

治下部閉不通取菟藿根一把搗汁水和  
絞去滓強人服一升數用之并治腳氣

### 千金方

治崩漏脚氣從足至膝脛腫骨疼者菟藿根碎  
和酒醋共三分根一分合蒸熟風裹腫上一二

日即消亦  
治不仁

又方

治頭風取蒴藿根二升酒二升煮服之

梅師方

治水腫坐臥不得頭面身體悉腫取蒴藿根刮去皮搗汁一合和酒一合煖空心服當微吐利

又方

治一切癰疽用煮蒴藿湯和少酒塗無不差姚氏方同

孫真人食忌

主卒脚腫漸上以蒴藿莖葉埋熱灰中令熱傳腫上差即易

斗門方

治瘡疾用蒴藿一大握灸令黃色以水濃煎一盞欲發前服

張文仲

治手足忽生疣日蒴藿赤子按使壞疣目上令赤塗之差

又方

治熊傷人瘡蒴藿一大把剉碎以水一升漬須臾取汁飲餘滓以封裹瘡

子母秘錄

治小兒赤遊行於身上至心即死菡萏煎汁洗之


衍義曰

菡萏與陸英既性味及出產處不同治癩又別自是二物斷無疑焉况菡萏花白子初青如菘


豆顆每朵如盞面大又平生有一二百子十月方熟紅豈得言剝出此條孟浪之甚也



江寧天府南星



星南天州滁



天南星味苦辛有毒主中風除痰麻痺下氣破堅積消

癰腫利胃膈散血墮胎生平澤處處有之葉似菟葉根

如芋二月八月採之

今附臣禹錫等謹按陳藏器云天南星主金瘡傷折瘀血取根碎傳

傷處生安東山谷葉如荷獨莖用根最良日華子云味辛烈平畏附子乾薑生薑著撲損瘀血主蛇蟲咬疥癬惡瘡入藥炮用又名鬼菟菟

圖經曰

天南星本經不載所出州土云生平澤今處處有之二月生苗似荷梗莖高一尺以上葉如菟

菟兩枝相抱五月開花似蛇頭黃色土月結子作穗似石榴子紅色根似芋而圓二月八月採根亦與菟菟根相類人多誤採莖斑花紫是菟菟一說天南星如本草所說即虎掌也小者名由跋後人採用乃別立一名爾

今天南星大者四邊皆有子採時盡削去之又陳藏器云半夏高一二尺由跋高一二寸此正誤相反言也今由跋苗高一二尺莖似蒟蒻而無斑根如雞卵半夏高一二寸亦有盈尺者根如小指正圓也江南吳中又有白蒟蒻亦曰鬼芋根都似天南星生下平澤極多皆雜採以為天南星了不可辨市中所收往往是也但天南星小柔膩肌細炮之易裂差可辨爾古方多用虎掌不言天南星天南星近出唐世中風痰毒方中多用之續傳信方治風痛用天南星躑躅花並生時同搗羅作餅子盛上蒸四五遍以稀葛囊盛之候要即取倍搗為末蒸餅丸如梧桐子溫酒下三九腰脚骨痛空心服手臂痛食後服大良

### 經驗方

治急中風目瞑牙噤無門下藥者用此末子以中指點末搗齒三二十搗大牙左右其口

自開始得下藥名開闔散天南星搗為末白龍腦二件各等分研自五月五日午時合患者只一字至半錢

又方

治小兒走馬疳蝕透損骨及小攻蝕必效方天南星三箇當心作坑子安雄黃一塊在內用麵裹燒候

雄黃作汁以盞子合定出火毒去  
麵研為末入麝香少許拂瘡驗

又方

治婦人一切風吹頭目痛天南星一箇掘地坑子  
火燒令赤安於坑中以醋一盞以盞蓋之不令透  
氣候冷取出為末每服一  
字以酒調下重者半錢七

又方

治驚風墜涎天南星一箇重一兩換酒浸七伏時  
取出於新瓦上周迴炭火炙令乾裂置於濕地去  
火毒用篋器合盛之冷搗末用朱砂一分研同料  
每服半錢荆芥湯調下每日空心午時進一二服

勝金方

治吐血天南星一兩判如豆大以爐灰汁浸一  
宿取出洗淨焙乾搗末用酒磨自然銅下一錢愈

十全博救方

治欬嗽天南星一箇大者炮令裂為末每  
服一大錢水一盞生薑三片煎至五分溫

服空心日午臨  
卧時各一服

### 集效方

治吐瀉不止或取轉多四肢發厥虛風不省人事服此四肢漸暖神識便省回陽散天南星為

末每服三錢入京棗三枚  
同煎八分温服未省再服

### 初虞世


治破傷風入瘡強直防風天南  
星等分為末以醋調作餅貼上

### 譚氏方

治小兒牙關不開天南星一箇煨熟紙裹斜角  
末要透氣於細處剪雞頭大一窠子透氣於鼻

孔中牙  
關立開

羊蹄根



羊蹄味苦寒無毒主頭禿疥瘙除熱女子陰蝕浸淫疽  
痔蟲一名東方宿一名連蟲陸一名鬼目一名蓄生陳

留川澤

陶隱居云今人呼名禿菜即使蓄音之訛詩云言採其蓄又一種極相似而味醋呼為酸摸根

亦療疥也唐本注云實味苦澁平無毒主赤白雜痢根味辛苦有小毒萬畢方云療蠱毒今山野平澤處處有之臣禹錫等謹按蜀本圖經云生下濕地高者三四尺葉狹長莖節間紫赤花青白色子三稜夏中即枯又有  
一種莖葉俱細節間生子若莧薺子療痢乃佳今所在有之日華子云羊蹄根治癬殺一切蟲腫毒醋摩貼葉  
治小兒疳蟲殺胡夾魚鮭魚糧胡魚毒亦可作菜食陳藏器云酸摸葉酸美小兒折食其英根上暴熱腹脹生  
搗絞汁服當下痢殺皮膚小蟲葉似羊蹄是山大黃一名當藥爾雅云須臾蕪注云似羊蹄而細味酸可食日



華子云酸摸味酸涼無毒治小兒  
壯熱生山崗狀似羊蹄葉而小黃

### 圖經曰

羊蹄秃菜也生陳留川澤今所在有之生下濕地  
春生苗高三四尺葉狹長頗似萹蓄而色深莖

節間紫赤花青白成穗子三稜有若芫蔚夏中即枯根  
似牛蒡而堅實今人生採根醋摩塗癬速效亦煎作丸  
服之甚可以新採羊蹄根不限多少搗研絞取汁一大  
升白蜜半斤同熬如稠餈煎更用防風末六兩搜和全  
可丸大如梧子用栝樓甘草酒下三二十九日二三  
佳謹按詩小雅言采其遂陸璣云遂今人謂之羊蹄似  
蘆葍而莖赤可取為茹滑而美也多啖令人下氣幽州  
人謂之遂字或作蓄並耻六切又有一種極相類而葉  
黃味酢名酸摸爾雅所謂蒨音孫蕪郭璞云  
蒨似羊蹄葉細味酢可食一名蔞音修是也

### 食療

主痒不  
宜多食

聖惠方

治瘰癧風用羊蹄菜根於生鐵上以好醋磨旋刮取塗於患上未差更入硫黃少許同磨塗

之

又方

治大便卒瀝結不通用羊蹄根一兩剉水一大盞煎取六分去滓溫溫頓服

外臺秘要

治疥方搗羊蹄根和猪脂塗上或著鹽少許佳

千金方

喉痺卒不語羊蹄獨根者勿見風日及婦人雞犬以三年醋研和如泥生布拭喉令赤傅之

千金翼

治漏瘤瘡濕癬痒浸淫日廣痒不可忍搽之黃水出差後復發取羊蹄淨去土細切搗以大酢

和淨洗傅上一時間以冷水洗之日一傅差若為末傅之妙

斗門方

治腸風痔瀉血羊蹄根葉爛蒸一碗來食之立差

簡要濟衆

治癰瘡久不差羊蹄根搗絞取汁用調膩粉少許如膏塗傅癰上三五遍即差如乾即脂

調和  
傅之

衍義曰

羊蹄經不言根圖經加根字處處有葉如菜中蒹葭但無岐而色差青白葉厚花與子亦相似

葉可方擦礪石器根取汁塗疥癬子謂之金蕎麥燒煉者用以制鉛汞入剉根研絞汁取三二匙水半盞煎一  
二掛溫溫空肚服  
治產後風邪殊驗

--	--	--	--	--	--	--	--	--

根 菰



菰根大寒主腸胃痼熱消渴止小便利

陶隱居云菰根亦如蘆根冷利

復甚也今按別本注云菰蔣草也江南人呼為茭草秣馬甚肥味甘無毒臣禹錫等謹按蜀本圖經云生水

中葉似蔗荻久根盤厚或月生菌細堪噉名菰菜三年已上心中生臺如藕白軟中有黑脉堪噉名菰首也爾雅

云出隧蘧蔬釋曰菌類也一名出隧一名蘧蔬廣雅云朝生形如兕蓋郭云似土菌生菰草中今江東啖之甜

滑者麩麩麩者說文云菰蔣也張揖云麩麩毛席取其音同孟詵云菰菜利五藏和氣酒釀而赤白癩瘡瘍目

赤等效然滑中不可多食熱毒風氣卒心痛可鹽醋煮食之又云茭首寒主心青中浮熱風食之發冷氣滋人

齒傷陽道令下焦冷滑不食甚好陳藏器云菰菜味甘無毒去煩熱止渴除目黃利大小便止熱痢雜鯽魚為

羹開胃口解酒毒生江東池澤菰葑上如菌葑是菰根歲久浮在水上者上火燒瘡燒為灰和雞子白塗之呂

氏春秋曰菜之美者越路之茵是也晉張翰見秋風起思之入云菰首生菰蔣草心至秋如小兒臂故云菰首煮食之止渴甘冷雜蜜食之發痼疾無別功更有一種小者擘肉如墨名烏鬪人亦食之止小兒水利日華子云芡首微毒多食發氣并弱陽葉利五藏食巴豆人不可食

### 圖經曰

菰根蔕不著所出州土今江湖陂澤中皆有之即江南人呼為芡草者生水中葉如蒲葦葦列以秣馬甚肥春亦生筍甜美堪噉即菰菜也又謂之芡白其歲久者中心生白臺如小兒臂謂之菰手今人作菰首非是爾雅所謂蘧蔬注云似土菌生菰草中正謂此也故南方人至今謂菌為菰亦緣此義也其臺中有墨者謂之芡鬪其根亦如蘆根冷利更甚二浙下澤處菰草最多其根相結而生久則并土浮於水上彼人謂之菰葑刈去其葉便可耕蒔其苗有莖梗者謂之菰蔣草至秋結實乃彫胡米也古人以為美饌今饑歲人猶

採以當糧西京雜記云漢太液池邊皆是彫胡紫葳綠節蒲葦之類菰之有米者長安人謂為彫胡葳蘆之米解葉者紫葳菰之有首者謂之綠節是也然則彫胡諸米今皆不貴大抵菰之種類皆極冷不可過食甚不益人惟服金石人相宜耳

陳藏器云

菱首主心胃中浮熱動氣不中食之發冷滋牙齦傷陽道令下焦冷不食為妙

食療云

若丹石熱發和鮑魚煮作羹食之三四頓即便差耳

外臺秘要

治湯火所灼末成瘡取菰蔣根燒取灰用雞子黃和封之

廣濟方

治毒蛇噬方菰蔣草根灰取以封之其草似鷺尾是

子母秘錄

小兒風瘡久不差燒菰蔣節末以傳上



衍義曰

菰根蒲類四時取根搗絞汁用河朔邊人止若此苗飼馬曰菰蔣及作薦花如葦結青子細若

青麻黃長幾寸彼人收之合粟為粥食之甚濟饑此南所謂願作冷秋菰者是也為其皆生水中及岸際多

食令人利



冀州菡蓄



篇

音福

蓄味苦平無毒主浸淫疥瘙疽痔殺三蟲療女子

陰蝕生東萊山谷五月採陰乾

陶隱居云處處有布地生花節間白葉細綠人

亦呼為菹竹煮汁與小兒飲療蛇蟲有驗臣禹錫等謹按蜀本圖經云葉如竹莖有節細如釵股生下濕地今

所在有二月八月採苗日乾爾雅云竹菹蓄釋云李巡云一物二名也孫炎引詩銜風云菜竹倚倚郭云似小

菹赤莖節好生道傍可食又殺蟲陶注本草謂之菹竹是也藥性論云菹竹使味甘煮汁與小兒服主蛇蟲等

咬心心痛面青口中沫出臨死者取十斤細剉以水一石煎去滓成煎如飴空心服蟲自下皆盡止主患痔疾

者常取葉搗汁服效治熱黃取汁頓服一升多年者再服之根一握洗去土搗汁服之一升效丹石毒發衝目

腫痛人傳

熟煙惡

圖經曰

篇蓄亦名篇竹出東萊山谷今在處有之春中布地生道傍苗似瞿麥葉細綠如竹赤莖如釵

股節間花出甚細微青黃色根如蒿根四月五月採苗陰乾謹按爾雅云竹篇蓄郭璞注云似小檠赤莖節好生道傍可食又殺蟲銜詩綠竹猗猗說者曰綠王芻也竹篇竹也即謂此篇蓄也方書亦單用治蟲葛洪小兒

既方煮汁全濃飲之即差

食療云

虬蟲心痛面青口中沫出臨水取葉十斤細切以水三石三斗煮如飴去滓通寒溫空心

服一升蟲即下至重者再服仍通宿勿食來日平明服之患治常取篇竹葉煮汁澄清常用以作飯又患熱黃五痔搗汁頓服一升重者再服丹石發衝眼目腫痛取根一握洗搗以少水絞取汁服之若熱腫處搗根莖傳之

外臺秘要

治痔發疼痛痔漏竹菹服一升  
一兩服立差若未差再服效

千金翼

治外痔痔漏竹菹取汁搜麵  
作餅餓空心喫日三度常喫

肘後方

惡瘡連痂痒痛搗  
菹竹封痂落即差

良醫心鏡

治小兒蝨蟲攻下部痒取菹竹葉一握切以  
水一升煎取五合去滓空腹飲之蟲即下用

其汁煮  
粥亦佳

又方

治霍亂吐痢不止菹竹豉汁  
中以五味調和煮羹食之佳

楊氏產乳

治蟲狀如蝸牛食下部痒取菹竹一把水二  
升煮熟五歲兒空腹服三五合隔宿食明早

服之  
尤佳

石州狼毒



本草綱目

卷之五

三十五

狼毒味辛平有大毒主欬逆上氣破積聚飲食寒熱水  
氣脅下積癰惡瘡鼠瘻疽蝕鬼精蠱毒殺飛鳥走獸一  
名續毒生秦亭山谷及奉高二月八月採根陰乾陳而

沈水者良

大豆為之使惡麥句薑陶隱居云秦亭在隴西亦出宕昌乃言止有數畝地生蝮蛇食其根故

為難得亦用大山者今用出漢中及建平云與防葵同根類但置水中沈者便是狼毒浮者則是防葵俗用稀亦難得是療腹內要藥爾唐本注云此物與防葵都不同類生處又別狼毒今出秦州成州秦亭故在二州之界其太山漢中亦不闕有且秦隴寒地元無蝮蛇復云數畝地生蝮蛇食其根謬矣今按別本注云與麻黃橘皮吳茱萸半夏枳實為六陳也又按狼毒葉似商陸反大黃槲蕪葉上有毛根皮黃肉白以實重者為良輕者力



劣秦亭在隴西奉高乃秦山下縣亦出宕昌及漢中建平蕩經陶云與防葵同根以置水中浮者即是防葵沉者即是狼毒春夏採者輕虛得水乃浮爾按此與防葵全別生處不同故不可得為比類臣禹錫等謹按蜀本

圖經云根似玄參浮虛者為劣也藥性論云狼毒使味苦辛有毒治痰飲癥瘕亦殺鼠

### 圖經曰

狼毒生秦亭山谷及奉高今陝西州郡及遼石州亦有之苗葉似商陸及大黃莖葉上有毛四

月開花八月結實根皮黃肉白二月八月採陰乾以陳而沉水者良葛洪治心腹相連常脹痛者用狼毒二兩附子半兩搗節蜜丸如桐子大一日服一九二日二丸三日三丸再一丸至六日又三丸自一至三常服即差千金療惡疾以狼毒秦芫分兩等搗末酒服方寸匕日二常服之差

### 聖惠方

治乾癰積年生癩搔之黃水出每逢陰雨即痒用狼毒末塗之

集效方

治藏腑內一切蟲病川狼毒杵末每服一大錢  
用錫一皂了入沙糖少許以水同化臨卧空腹

服之服時先喫微緊食藥  
一服來日早取下蟲效

海州豨薟



豨薟

音音

味苦寒有小毒主熱蠱煩滿不能食生搗汁

服三四合多則令人吐

唐本注云葉似酸漿而狹長花黃白色一名火薟田野皆識之

今按別本注云三月四月採苗葉暴乾唐本先附臣禹錫等謹按蜀本圖經云高二尺許子青黃夏採葉用所

在下濕地有之

圖經曰

豨薟俗呼火薟草本經不著所出州郡今處處有之春生苗葉似芥菜而狹長文麗莖高二三

尺秋初有花如菊秋末結實頗似鶴蟲夏採葉暴乾用近世多有單服者云甚益元氣蜀人服之法五月五日六月六日九月九日採其葉去根莖花實淨洗暴乾入甑中層層洒酒與蜜蒸之又暴如此九過則已氣味極香美熱搗篩蜜丸服之云治肝腎風氣四肢痺骨間疼腰膝無力者亦能行大腸氣諸州所說皆云性寒有

小毒與本經意同惟文州高郵軍云性熱無毒服之補  
虛安五藏生毛髮煎生風溫瘡肌肉頑痺婦人久冷尤  
宜服用之去麁莖留枝葉花實蒸暴兩說不同豈單用  
葉乃寒而有毒并枝花實則熱而無毒乎抑繫土地所  
產而然邪

### 成訥云

江陵府節度使進猪莖丸方臣有弟訥年三十一中風牀枕五年有醫不差有道人鍾針

者因觀此患曰可餌猪莖丸必愈其藥多生沃壤高三尺許節葉相對其葉當夏五月已來收每去地五寸剪列以溫水洗泥土摘其葉及枝頭凡九蒸九暴不必大燥但取蒸為度仍熬搗為末丸如桐子大空心溫酒或米飲下二三十丸服之二千丸所患忽加不得憂慮是藥攻之力服至四千丸必得復故五千丸當復丁壯臣依法修合與訥服果如其言鍾針又言此藥與本草所述功效相異蓋出處盛在江東彼土人呼猪為猪呼臭

為發氣緣此藥如猪鬃氣故以為名但經蒸暴發氣自  
派每當服後須喫飯三五匙歷之五月五日採者佳奉

宣付醫


院詳錄

張詠云

知益州進佈發丸表臣因換龍興觀掘得一碑  
內說修養氣術并藥方二件依方差人訪問採

覓其草頗有異金稜銀線素根紫莖對節而生蜀號火  
軟莖葉頗同蒼耳誰知至賤之中乃有殊常之效臣自  
喫至百服眼目輕明即至千服鬚鬢烏黑筋力校健效  
驗多端臣本州有都門衙羅宇一曾因中風墜馬失音  
不語臣與十服其病立瘥又和尚智嚴年七十忽患偏  
風口眼喎邪時時吐涎臣與十服亦便得差今合一百  
劑差職員  
史元奏進

衡州馬鞭草



# 馬鞭草主下部罌瘡

陶隱居云村墟陌甚多莖似細草花紫色葉微似蓬蒿也唐本注云

苗似狼牙及芫蔚抽三四穗紫花似車前穗類鞭鞘故名馬鞭草不似蓬蒿也今按陳藏器本草云馬鞭草主瘕癖血瘕久瘡破血作煎如糖酒服若云似馬鞭鞘亦未近之其節生紫花如馬鞭節臣禹錫等謹按蜀本云味苦微寒無毒又圖經云生濕地花白色抽三四穗以上八月採苗日乾所在皆有之藥性論云馬鞭草亦可單用味苦有毒生搗水煎去滓成煎如飴空心酒服一匕主破腹中惡血皆下殺蟲良日華子云味辛涼無毒通月經治婦人血氣肚脹月候不勻似益母草莖圓并葉用

## 圖經曰

馬鞭草莖不截所出州土今衡山廬山江淮州即皆有之春生苗似狼牙亦類益母而莖圓高三

二尺抽三四穗子七月八月採苗葉日乾用味甘苦微寒有小毒或云子亦通用古方多用之葛氏治卒大



腹水病用馬鞭草鼠尾草各十斤水一石煮取五斗去滓再煎令稠厚以粉和丸一服二三大豆許加四五豆

良神

### 聖惠方

治白癩用馬鞭草不限多少為末每服食前用荆芥薄荷湯調下一錢匕

### 又方

治婦人月水滯澁不快通結成瘕塊肋脹大欲死用馬鞭草根苗五斤剉細水五斗煎至一斗去滓

別於淨器中熬成膏每食前溫酒調下半匙

### 外臺秘要

治蠅蝮屎馬鞭草爛搗以封之乾復更易差

### 千金方

食魚鱸及牛肉在膈不化必成瘕瘕搗馬鞭草汁飲之一升生薑水亦得即消


### 又方

治喉痺躁腫連頰吐氣數者名馬喉痺馬鞭草一握勿見風截去兩頭搗取汁服之

集驗方

治男子陰腫大如升核痛人所不能治者搗馬鞭草塗之

芎 根



芋根寒主小兒赤丹其漬芋汁療渴

陶隱居云即今續芋爾又有山芋亦

相似可入用也唐本注云別錄云根安胎貼熱丹毒腫有效漚芋汁主消渴也今按陳藏器本草云芋破血漬

芋與產婦溫服之將芋麻與產婦枕之止血暈產後腹痛以芋安腹上則止蠶咬人毒入肉取芋汁飲之今以

芋近蠶種則蠶不生也臣禹錫等謹按蜀本注云苗高大已來南人剥其皮為布二月八月採江左山南皆有

之藥性論云芋麻根使味甘平主懷妊安胎日華子云味甘滑冷無毒治心膈熱漏胎下血產前後心煩悶天

行熱疾大渴大狂服金石藥人心熱暑毒箭蛇蟲咬

圖經曰

芋根舊不載所出州土今閩蜀江浙多有之其皮可以績布苗高七八尺葉如楮葉而青背白

有短毛夏秋間著細穗青花其根黃白而輕虛二月八月採又有一種山芋亦相似謹按陸璣草木疏云芋一

科數十莖宿根在地中至春自生不須栽種荆揚間歲  
三刈官令諸園種之歲再刈便剝去其皮以竹刮其表  
厚處自脫得裏如筋煮之用緝今江浙閩中尚復如此  
孕婦胎損方所須入主白丹濃煮水浴之日三四差韋  
南療癰疽發背初覺未成膿者以苧根  
葉熟搗傅上日夜數易之腫消則差矣

### 聖惠方

治姓娘胎動欲墮腹痛不可忍者用苧根二  
兩對銀五兩酒一盞水一大盞同煎去滓不

不計時候分  
溫作二服

### 外臺秘要

備急治白丹苧根三斤小豆四升以  
水二三斗煮以浴三四遍浸洗妙

### 肘後方

丹者惡毒之瘡五色無常苧根  
三升水三斗煮浴每日塗之

### 又方

胎動不安取苧根如足大指者一尺  
咬咀以水五升煮取三升去滓服

斗門方

治五種淋用苧麻根兩莖打碎以水一椀半煎取半椀煮服即通大妙

梅師方

治諸癰疽發背或發乳房初起微赤不急治之即死速消方搗苧根傅之數易

又方

治姪娠忽下黃汁如膠或如小豆汁苧根切二升去黑皮以銀一斤水九升煎取四升每服八酒半

升或一升煎藥取一升分作二服


衍義曰

苧根如葶麻花如白楊而長成穗生每一朵凡數十穗青白色

商州白頭翁



徐州白頭翁





白頭翁味苦溫有小毒主治溫瘧狂易音羊寒熱癥瘕積

聚癭氣逐血止痛療金瘡鼻衄一名野丈人一名胡王

使者一名奈何草生高山山谷及田野四月採陶隱居云處處

有近根處有白茸狀似人白頭故以為名方用亦療毒痢唐本注云其紫似芍藥而大抽一莖莖頭一花紫色

似木槿花實大者如雞子白毛寸餘皆披下以蠶頭正似白頭老翁故名焉今言近根有白茸陶似不識大常

所貯蔓生者乃是女萎其白頭翁根甚療毒痢似續斷而扁今按別本注云今處處有其苗有風則靜無風而

搖與赤箭獨活同也又今驗此草叢生狀如白薇而柔細稍長葉生莖頭如杏葉上有細白毛近根者有白茸

舊經陶注則未述其莖葉唐注又云葉似芍藥實大如雞子白毛寸餘此皆誤矣臣禹錫等謹按蜀本圖經云

衍義曰


白頭翁生河南洛陽界其新安土山中性溫止  
腹痛煖腰膝唐本注及藥性論甚詳陶隱居失

於不審宜其排此也新安縣界蕪山野中屢嘗見之  
如唐本注所說至今本處山中人賣白頭翁丸言服之

壽考又失古  
人命名之意



芭蕉花



蕉甘州恩南

金匱要略卷之十一

卷十一



甘蔗根大寒主癰腫結熱

陶隱居云本出廣州今都下東閩並有根葉無異惟子不

堪食爾根搗傳熱腫甚良又有五葉莓生人籬授間作  
藤俗人呼為籠草取其根搗傳癰瘡亦効唐本注云五  
葉即烏荃草也其甘蔗根味甘寒無毒搗汁服主產後  
血脹悶傳腫去熱毒亦効嶺南者子大味甘冷不益人  
北間但有花汁無實今注此藥本出廣州然有數種其  
子性冷子益人故不備載按此花葉與芭蕉相似而極  
大子形圓長及生青熟黃南人皆食之而多動氣疾其  
根搗傳熱腫尤良臣禹錫等謹按蜀本圖經云俗為芭  
蕉多生江南葉長丈許闊二尺餘莖虛軟根可生用不  
入方藥藥性論云甘蔗君搗傳一切癰腫上乾即更上  
無不差者日華子云生芭蕉根治天行熱狂煩悶消渴  
患癰毒并金石發熱悶口乾人並絞汁服及梳頭長益  
髮腫毒遊風風癬頭痛并研晉傳又云芭蕉油冷  
無毒治頭風熱并女人髮落止煩渴及湯火瘡

圖經曰

甘蔗根舊不著所出州郡陶隱居云本出廣州江東並有根葉無異惟子不堪食今出二廣閩

中川蜀者有花閩廣者實極美可取他處雖多而作花亦少近歲都下往往種之甚盛皆芭蕉也蕉類亦多此云甘蔗乃是有子者葉大抵與芭蕉相類但其卷心中抽葶作花初生大莠如倒垂莖莖有十數層層皆作瓣漸大則花出瓣中極繁盛紅者如火炬謂之紅蕉白者如蠟色謂之水蕉其花大類象牙故謂之牙蕉其實亦有青黃之別品類亦多食之大甘美亦可暴乾寄遠北人得之以為珍果閩人灰捏其皮今錫滑績以為布如古之錫衰焉其根極冷搗汁以傳腫毒葶婦血妨亦可飲之又芭蕉根性亦相類俚醫以治時疾狂熱及消渴金石發動躁熱並可飲其汁又芭蕉油治暗風癩病凡暈悶欲絕者飲之得吐便差極有奇効取之用竹筒挿皮中如取漆法

食療

主黃疸子生食大寒止渴潤肺發冷病蒸熱暴  
之今口開春取仁食之甘寒通血脈和骨髓

百一方

發背欲死芭蕉搗根塗之

子母秘錄

治小兒赤遊行於上下至心  
即死搗芭蕉根汁煎塗之

行義曰


芭蕉三年已上即有花自心中出一莖止一花  
全如蓮花葉亦相似但其色微黃綠從下脫葉

花心但向上生常如蓮樣然未嘗見其花心到面視之  
亦無藥悉是葉但花頭常下垂每一朶自中夏開直至  
中秋後方盡凡三葉開則三葉脫落北地惜其種人  
故少用總其治為布取汁婦人塗髮令黑餘說如經





蘆根



謂之萑其華皆名菖徒周切其萌笋皆名蘄音繼若然所謂蘆葦通一物也所謂蘆今作葦者是也所謂蕒人亦當薪爨者是也令人罕能別葦蕒與蘆葦又北人以葦與蘆為二物水傍下濕所生者皆名葦其細不及指人家池圃所植者為蘆其葦差大深碧色者謂之碧蘆亦難得然則本草所用蘆今北地謂葦者皆可通用也古方多單用葛洪療嘔噦切根水煮頓服一升必效方以童子小便煮服不過三升差其葦葦主卒得霍亂氣息危急者取一把煮濃汁頓服二升差魚主魚蟹中毒毒服之尤佳其笋味小苦堪食法如竹笋但極冷耳

### 唐本

餘生下濕地莖葉似竹花若荻花二月八月採根日乾用之

### 雷公云

凡使須要逆水蘆其根逆水生并黃泡肥厚者味甘採得後去節鬚并土赤黃了細剉用

### 聖惠方

治食馬肉中毒痺痛蘆根五兩切以水八升煮取二升分為三服

千金方

治乾嘔噦若手足厥冷  
蘆根三斤濃煮汁飲之

肘後方

食鱸魚肝鮫魚中毒  
蘆根煮汁一二升飲之

梅師方


食狗肉不消心下堅或腹脹口  
乾忽發熱妄語煮蘆根飲之

金匱玉函方

治五噎心膈氣帶煩悶吐逆不下食蘆根  
五兩剉以水三大盞煮取二盞去滓不計

時過服


舒州鬼白



齊州鬼白

欽定四庫全書

卷十一



鬼白味辛溫微溫有毒主殺蠱毒鬼疰精物辟惡氣不  
詳逐邪解百毒療欬嗽喉結風邪煩惑失魄妄見去目

中膚翳殺大毒不入湯一名爵犀一名馬目毒公一名

九白一名天白一名解毒生九真山谷及寬甸二月八

月採根

畏垣衣陶隱居白鬼白如射干白而味甘溫有  
毒主風邪鬼疰蠱毒九白相連有毛者良一名

九白生山谷八月採陰乾又似鉤吻今馬目毒公如黃  
精根白處似馬眼而柔潤鬼白似射干木輩有兩種出

錢塘近道者味甘上有叢毛最勝出會稽吳興者乃大  
味苦無叢毛不如略乃相似而乖異毒公今方家多用

鬼白少用毒公不知此那復頓爾乖越也唐本注云此  
藥生深山巖石之陰葉如蓖麻重樓輩生一莖葉端一

葉亦有兩歧者年長一莖莖枯為一白假今生來二十  
年則有二十白豈惟九白耶根肉皮鬚並似射干今俗  
用皆是射干及江南別迭一物非真者今荊州當陽縣  
硤州遠安縣襄州荊山縣山中並有之極難得也臣禹  
錫等謹按蜀本圖經云花生莖間赤色今出硤州襄州  
深山二月八月採根日乾用之藥性論云鬼臼使味苦  
能主尸疰越趨勞疾傳  
尸瘦疾主辟邪氣逐鬼

### 圖經曰

鬼臼生九真山谷及宛句今江寧府滁舒商齊  
枕襄峽州荊門軍亦有之多生深山巖石之陰

葉似蒺藜重樓輩初生一莖端一葉亦有兩歧者年長  
一莖莖枯為一白二十年則二十白也花生莖間赤色  
二月開後結實根肉皮鬚並似射干俗用皆是射干當  
細別之七月八月採根暴乾用古方治五尸鬼疰百毒  
惡氣方用之一說鬼臼生深山陰地葉六出或五出如  
鴈掌莖端一葉如繖蓋旦時東向及暮則西傾蓋隨日



出沒也花紅紫如荔枝正在葉下常為葉所蔽未常見  
日一年生一葉既拓則為一白及八九年則八九白矣  
然一年一白生而一白腐蓋陳新相易也故俗人名曰  
害母草如芋魁烏頭輩亦然新苗生則舊苗死前年之  
魁腐矣而本草注謂全似射干今射干體狀雖相似然  
白形淺薄大異鬼白鬼白如八九天南星側比相疊而  
色理正如射干要者當使人  
求苗採之市中不復有也

角蒿味辛苦平有小毒主甘濕蠱諸惡瘡有蟲者

唐本注云

葉似白蒿花如瞿麥紅赤可愛子似王不留行黑色作  
角七月八月採唐本先附臣禹錫等謹按蜀本圖經云  
葉似蛇牀青蒿等子角似蔓菁實黑細秋熟所在皆有  
之陳藏器云蘼蒿味辛溫無毒土破血下氣灸食之似  
小蘗生高崗宿根先於百草一名莪蒿爾雅云莪蘿注  
蘼蒿也釋曰詩小雅云菁菁者莪陸機云莪蒿也一名

蘿蒿生澤田漸如處葉似邪蒿而細科生三月中莖可食又可蒸香美味頗似萋蒿是也

### 雷公云

凡使勿用紅蒿并邪蒿二味真似角蒿只是上香角短採得並於槐砧上細剉用之

### 外臺秘要

凡齒斷宣露多是疔角蒿取灰夜塗斷上使戒油賦沙糖乾棗切忌之

### 千金方

治口中瘡久不差入胃中並生瘡角蒿灰塗之一宿効口中若有汗吐之

### 宮氣方


治小兒口瘡角蒿灰貼瘡妙

### 行義曰


角蒿莖葉如青蒿開淡紅紫花花大約徑三四分花罷結角子長二寸許微彎苗契角治口瘡

絕勝

信州馬兜鈴



鈴兜馬州滁



馬兜鈴味苦寒無毒主肺熱欬嗽痰結喘促血痔瘻瘡

生關中藤繞樹而生子狀如鈴作四五瓣

今附臣禹錫等謹按藥性

論云馬兜鈴平能主肺氣上急坐息不得主欬逆連連不可日華子云治痔瘻瘡以藥拈銚中燒熏病處入藥灸用是土青木香獨行根子越州七八月採

### 圖經曰

馬兜鈴生關中今河東河北江淮夔浙州郡亦有之春生苗如藤蔓葉如山芋葉六月開黃紫

花頗類枸杞花七月結實棗許大如鈴作四五瓣其根名雲南根似木香小指大赤黃色亦名土青木香七月八月採實暴乾主肺病三月採根治氣下膈止刺痛

### 雷公云

凡便採得後去葉并蔓了用生絹袋盛於東屋角畔懸令乾了劈作片取向裏子去革膜

並令淨用子勿令去  
革膜不盡用之并皮

### 聖惠方

治五種蠱毒用兜鈴根三兩為末分為三貼以  
水一盞煎五分去滓頓服當吐蠱出未快再服

以快  
為度

### 又方

草蠱術在西涼更西方及嶺南人若行此毒入人  
咽刺痛欲死者用兜鈴苗一兩為末以溫水調下

一錢七即消  
化蠱出效

### 外臺秘要

崔氏蛇蠱食飲中得之咽中如有物嚙不下  
吐不出悶心熱服兜鈴即吐出服麝香一

錢七即

吐蠱毒

### 簡要濟衆

治肺氣喘嗽兜鈴二兩只用裏面子去殼酥  
半兩入枕內拌和勻慢火炒乾甘草一兩炙

二味為末每服一錢水一盞煎六分溫呷或以藥末含嚥津亦得

衍義曰


馬兜鈴蔓生附木而上葉脫時鈴尚垂之其狀如馬頂鈴故得名然熟時則自拆拆開有子全

者採得時





戎州仙茅



本草綱目


卷之五

五十五

江寧府仙茅

欽定四庫全書

卷十一



仙茅味辛溫有毒主心腹冷氣不能食腰脚風冷瘰癧不能行丈夫虛勞老人失溺無子益陽道久服通神強記助筋骨益肌膚長精神明目一名獨茅根一名茅瓜子一名婆羅門參仙茅傳云十斤乳石不及一斤仙茅表其功力爾生西域及大庾嶺亦云忌鐵及牛乳二月

八月採根

今附臣禹錫等謹按日華子云治一切風氣延年益壽補五勞七傷開胃下氣益房事彭

祖單服法以米泔浸去赤汁出毒後無妨損

圖經曰

仙茅生西域及大庾嶺今蜀川江湖兩浙諸州亦有之葉青如茅而軟復稍闊面有縱理又似

搜攔至冬盡枯春初乃生三月有花如槐子黃不結實其根獨莖而直傍有短細根相附肉黃白外皮稍麤褐色二月八月採根暴乾用衡山出者花碧五月結黑子謹按續傳信方叙仙茅云主五勞七傷明目益筋力宣而復補木西域道人所傳開元元年婆羅門僧進此藥明皇服之有効當時禁方不傳天寶之亂方書流散上都空三藏始得此方傳與李勉司徒路嗣恭尚書齊杭給事張建封僕射服之皆得力路公久服金石無効其得此藥其益百倍齊給事守縉雲日少氣力風癆繼作服之遂愈八九月時採得竹子刮去黑皮切如豆粒米泔浸兩宿陰乾搗篩熟蜜丸如梧子每旦空肚酒飲任使下二十九丸禁食牛乳及黑牛肉大減藥力也續傳信方偽唐筠州刺史王顏所著皆因國書編錄其方當時盛行故今江南但呼此藥為婆羅門參

### 海藥

云生西域麓細有筋或如筆管有節文理其黃色多涎梵云呼為阿輸乾陁味甘微溫有小毒

主風補暖腰脚清安五藏強筋骨消食久服輕身益顏  
色自武城來蜀中諸州皆有葉似茅故名曰仙茅味

辛平宣而復補無大毒有小熟有小毒主丈夫七傷明  
耳目益筋力填骨髓益陽不倦用時竹刀切糯米泔浸

雷公云

凡採得後用清水洗令淨刮上皮於槐砧上用  
銅刀切豆許大却用生稀布袋盛於烏豆水中

浸一宿取出用酒濕拌了蒸從巳  
至亥取出暴乾勿犯鐵班人鬚鬢

羊桃味苦寒有毒主燻熱身暴赤色風水積聚惡瘍除

小兒熱去五藏五水大腹利小便益氣可作浴湯一名

鬼桃一名羊腸一名萇楚一名御弋一名鉞

音姚

弋生山

林川谷及生田野二月採陰乾

陶隱居云山野多有甚似家桃又非山桃子小

細苦不堪散花甚赤詩云隰有萋楚者即此也方藥亦不復用唐本注云此物多生溝渠隍澗之間人取煮以洗風瘡及諸瘡腫極效劔南人名細子根也臣禹錫等謹按蜀本圖經云生平澤中葉花似桃子細如棗核苗長弱即蔓生不能為樹今處處有多生溪澗今人呼為細子根似牡丹療腫爾雅云萋楚銚弋郭云今羊桃也釋云葉似桃花白子如小麥亦似桃陸機云葉長而狹華紫赤色其枝莖弱過一尺引蔓于草上今人以為及灌重而善沒不如楊柳也近下根刀切其皮著熱灰中脫之可韜筆管也

### 陳藏器

川谷中草高一尺葉長小亦云羊桃根也云味甘無毒主風熱羸老浸酒服之生蜀

### 肘後方


治傷寒毒攻手足痛煮羊桃汁漬之雜少鹽豉尤好

黔州鼠尾草

欽定四庫全書

證類本草

辛



鼠尾草味苦微寒無毒主鼠瘻寒熱下痢膿血不止白

花者主白下赤花者主赤下一名勤

音初

一名陵翹生平

澤中四月採葉七月採花陰乾

陶隱居云田野甚多人採作滋染皂又用療下

瘻當濃煮取汁令可丸服之令人亦用作飲臣禹錫等謹按蜀本圖經云所在下濕地有之葉如蒿莖端夏生四五穗穗若車前有赤白二種花七月採苗日乾用之爾雅云勤鼠尾釋曰可以染皂草也一名鼠尾陳藏器云鼠尾草平主諸痢煮汁服亦末服紫花莖葉堪染皂一名烏草又名水青也

圖經曰

鼠尾草舊不載所出州土云生平澤中今所在有之惟黔中人採為藥苗如蒿夏生莖端作四

五穗穗若車前花有赤白二色爾雅謂勤鼠尾云可以染皂草也四月採葉七月採花陰乾古治痢多用之姚



氏云濃煮汁如薄餡飲五合日  
三赤下用赤花白下用白花差

### 聖惠方

治久赤白痢不差羸瘦用鼠尾草搗為末每服一錢不計時候以粥飲調下

女青味辛平有毒主蠱毒逐邪惡氣殺鬼温瘧辟不祥

一名雀瓢虵銜根也生朱崖八月採陰乾

陶隱居云若是蛇銜根不

應獨生朱崖俗用是草葉別是一物未詳孰是銜云帶此盾一兩則疫癘不犯彌宜識真者唐本注云此草即

雀瓢也葉似蘿摩兩葉相對子似瓢形大如棗許故名雀瓢根似白薇生平澤莖葉並臭其蛇銜根都非其類

又別錄去葉嫩時似蘿摩圓端大莖實黑莖葉汁黃白亦與前說相似若是蛇銜根何得苗生益州根在朱崖

相去萬里餘也別錄云雀瓢白汁主蟲蛇毒即女青苗汁也臣禹錫等謹按藥性論云女青使味苦無毒能治

溫瘧寒熱  
蛇銜為使

圖經

文具蛇  
銜徐下

肘後方

辟瘟病正月上寅日擗女青末  
三角絳囊盛繫前帳中大吉

子母秘錄

治小兒卒腹皮青黑赤不能喘息即急用此  
方并治吐痢卒死用女青末內口中酒服亦

治大人

紫靈南君

南岳夫人內傳治卒死擗女青屑一錢安喉中以水或酒送下立活也

故麻鞋底水煮汁服之解紫石莫發毒又主霍亂吐下

不止及解食牛馬肉毒腹脹吐痢不止者

今按陳藏器本草云故麻

鞋底主消渴煮汁服之鞋網繩如棗大婦人內衣有血者手大鈎頭林針二七枚三物並燒作灰以豬脂調傅  
孤刺瘡出蟲唐本先附臣禹錫等謹按陳藏器云  
破草鞋和人亂髮燒作灰醋和傅小兒熱毒遊腫

### 陳藏器

云取麻鞋尖頭二七為灰歲朝并華水服之  
人主遺溺又故麻鞋底燒令赤投酒煮粟穀

汁中服之主  
霍亂轉筋

### 外臺秘要

近效尿牀取麻鞋網帶及鼻根等唯不用  
底須七量以水七升煮取二升分再服之

### 又方

治蜈蚣螫人麻鞋履  
底灸以指之即差

### 千金方

肛脫出以炙麻履底令人類按永差又故麻鞋  
底鼈頭各一枝燒驚頭持為末傅肛門將履底

按入即  
不出也

經驗方

治鼻塞燒麻鞋灰吹鼻中立  
通一名千里馬麻鞋名也

廣利方

治鼻衄血鞋齧作  
灰吹鼻孔中立效

滌州劉寄奴



劉寄奴草味苦溫主破血下脹多服令人痢生江南

唐本

注云莖似艾蒿長三四尺葉似蘭草尖長子似稗而細一莖上有數穗葉互生今按別本注云昔人將此草療金瘡止血為要藥產後餘疾下血止痛極効唐本先附臣禹錫等謹按蜀本圖經云葉似菊蒿四五尺花白實黃白作穗蒿之類也今出越州夏秋苗日乾之日華子云劉寄奴無毒治心腹痛下氣水脹血氣通婦人經脈癥結止霍亂水瀉又名

劉寄奴六七八月採

圖經曰

劉寄奴草生江南今河中府孟州漢中亦有之春生苗莖似艾蒿上有四稜高三二尺已來葉

青似柳四月開碎小黃白花形如瓦松七月結實似黍而細一莖上有數穗互生根淡紫色似蒿莖六月七月採苗花子通用也

雷公云

採得後去莖葉只用實凡使先以布拭上薄殼皮全淨拌酒蒸從巳至申出暴乾用之

經驗方

治湯火瘡至妙劉寄奴搗末先以糯米漿雞翎掃湯著處後搗藥末在上並不痛亦無痕大凡

湯著處先用鹽末摻之  
肉不壞然後藥末傅之






海州骨碎補




舒州骨碎補

金匱要略

卷十一



戎州骨碎補



本草綱目

堅類本草

卷五

秦州骨碎補

金匱要略卷之十一

卷十一



骨碎補味苦溫無毒主破血止血補傷折生江南根著  
樹石上有毛葉如菴蘭江西人呼為胡孫薑一名石菴

藺一名骨碎布

今附臣禹鋤等謹按蜀本藥性論云骨碎補使能主骨中毒氣風血疼痛五勞

六極石手不收上熱下冷悉能主之陳藏器云骨碎補似石韋而一根餘葉主於木嶺南虔吉亦有本名猴薑開元皇帝以其主傷折補骨碎故作此名耳曰華子云猴薑平治惡瘡蝕爛內殺蟲是樹上寄生草似薑細長

圖經曰

骨碎補生江南今淮浙陝西夔路州郡亦有之根生大木或石上多在背陰處引根成條上有

黃毛及短葉附之入有大葉成枝面青綠色青黃點背青白色有赤紫點春生葉至冬乾黃無花實惟根入藥採無時削去毛用之本名胡孫薑唐明皇以其主折傷有奇效故作此名蜀人治閃折筋骨傷損取根搗汁煮

黃米粥和之裏傷處良又用治耳聾削作細條火炮乘熱塞耳亦入婦人血氣藥用又名石毛薑

### 雷公云

凡使採得後先用銅刀刮去上黃赤毛盡便細切用蜜拌令潤架柳甌蒸一日後出暴乾

用又乾寧記云去毛細切後用生蜜拌蒸從已至亥準前暴乾搗末用炮猪腎空心喫治耳鳴亦能止諸雜痛

### 靈死方

治虛氣攻牙齒痛血出牙斷痒痛骨碎補二兩細剉炒令黑色杵末依常鹽漱後搗齒根下良

久吐出臨臥用後唾嚥之無妨

### 衍義曰

骨碎補苗不似薑薑苗如葦稍此物苗每一大葉兩邊小葉槎牙兩相對葉長有尖瓣餘如經

河中府連翹



岳州連翹





兗州連翹



翹連州澤



鼎州連翹



連翹味苦平無毒主寒熱鼠瘻瘰癧癰腫惡瘡癭瘤結  
熱蠱毒去白蟲一名異翹一名蘭華一名折根一名軋

一名三廉生太山山谷八月採陰乾

陶隱居云處處有今用莖連花實也

唐本注云此物有兩種大翹小翹大翹葉狹如水蘇花黃可受生下濕地著子似椿實之未開者作房翹出衆草其小翹生高原之上葉花實皆似大翹而小細山南人並用之今京下惟用大翹子不用莖花也臣禹錫等謹按蜀本云連翹微寒圖經云苗高三四尺今所在下濕地有採實曰乾用之爾雅云連異翹釋曰連一名異翹郭云一名連苦又名連草藥性論云連翹使一名旱連子主通利五淋小便不通除心家客熱日華子云通小腸排膿治瘡癰止痛通月經所在有獨莖稍開三四黃花結子內有房瓣子五月六月採

圖經曰

連翹生泰山山谷今近京及河中江寧府澤潤  
淄兗鼎岳利州南康軍皆有之有大翹小翹二  
種生下濕地或山崗上葉青苗而狹長如榆葉水蘇輩  
莖赤色高三四尺許花黃可愛秋結實似蓮作房翹出  
衆草以此得名根黃如蒿根八月採房陰乾其小翹生  
崗原之上葉花實皆似大翹而細南方生者葉狹而小  
莖短纒高一二尺花亦黃實房黃黑內含黑子如粟粒  
亦名旱連草南人用花葉中品鱧朋亦名旱連人或以  
此當旱連非也爾雅謂之連一名異翹一名連莒又名  
連草今南方醫家說云連翹蓋有兩種一種似格實之  
未開者殼小堅而外完無附莖剝之則中解氣甚芬馥  
其實纒乾振之皆落不著莖也一種乃如莖莖殼柔外  
有附莖抱之無解脈亦無香氣乾之雖久著莖不脫此  
甚相異也今如菑莖者江南下澤間極多如格實者乃  
自蜀中來用之亦勝江南者據本草言則  
蜀中來者為甚然未見其莖葉如何也

集驗方


洗痔以連翹煎湯洗訖又  
上飛錄磐入麝香貼之

行義曰

連翹亦不至翹出眾草下濕地亦無太山山谷  
間甚多今止用其子拆之其間片片相比如翹

應以此得名爾治心經  
客熱最勝尤宜小兒

廣州續隨子



續隨子味辛溫有毒主婦人血氣月閉癥瘕疔瘕瘰癧血  
血蠱毒鬼疰心腹痛冷氣脹滿利大小腸除痰飲積聚  
下惡滯物莖中白汁剥人面皮去黥黥生蜀郡及處處

有之苗如大戟一名拒冬一名千金子

今附臣禹錫等謹按蜀本云積

聚痰飲不下食嘔逆及腹內諸疾研碎酒服之不過三  
顆當下惡物日華子云宣一切宿滯治肺氣水氣傳一切  
惡瘡疥癬單方日服十粒瀉多以酸漿水并薄醋  
粥喫即止一名菩薩豆十兩金葉汁傳白癧面疥

### 圖經

續隨子生蜀郡及處處有之今南中多有北土  
差少苗如大戟初生一莖莖端生葉葉中復出

數莖相續花亦類大戟自葉中抽蘇而生實青有殼人  
家園亭多種以為飾秋種冬長春秀現實故名拒冬



實入藥採無時下水最速然有毒損人不可過多雀元亮海上方治蛇咬腫毒悶欲死用重臺六分續隨子七顆去皮二物搗節為散酒服方寸匕兼唾和少許傳咬處立差莖中白汁剝人面去點黥甚效

### 斗門方

治水氣用躑步一兩去殼研以紙裹用物壓出油重研末分作七服每治一人只用一服

丈夫生餅子酒下婦人荊芥湯下凡五更服之至晚自止後以厚朴湯補之頻喫益善仍不用喫鹽醋一百日差躑步續隨子是也

### 敗蒲席平主筋溢惡瘡

陶隱居云燒之蒲席惟船家用狀如蒲帆爾人家所用席皆是

莞音運草而薦多是蒲方家有用作唐本注云席薦一也皆人臥之以得人氣為佳也青齊間人謂蒲薦為蒲席亦曰蒲蓋音合謂葉作者為薦爾山南江左機上織者為席席下重厚者為薦如經所說當以人臥久者為

住不論薦席也。臣禹錫等謹按藥性論云：敗蒲席亦可單用，主破血從高墜下損瘀，在腹刺痛。此蒲合破敗者，良取以蒲、黃赤芍藥當歸、大黃、朴消煎服，血當下。陳藏器云：編薦索主霍亂轉筋，垂死敗蒲席一握。

### 聖惠方

治霍亂轉筋垂死敗蒲席一握，細切漿一盞，煮汁溫溫頓服。

### 外臺秘要

治墜下瘀血在腹，取敗蒲灰二錢，酒服。


### 千金方

五色丹俗名遊腫，若犯多致死，不可輕之。蒲席燒灰和雞子白塗之。

### 勝金方

治婦人血奔，以舊敗席燒灰，酒調下二錢匕。

宜州山豆根



果州山豆根

金匱要略卷之十一

卷十一



山豆根味甘寒無毒主解諸藥毒止痛消瘡脛毒人及

馬急黃發熱欬殺小蟲生劔南山山谷蔓如豆

附今

圖經曰

山豆根生劔南山山谷今廣西亦有以忠萬州者住苗蔓如豆根以此為名葉青經冬不凋八月

採根用今人寸截舍以解咽喉腫痛搗妙廣南者如小把高尺餘石鼠食其根故嶺南人捕石鼠破取其腸胃暴乾解毒攻熱甚效

經驗方

備急治一切疾患山豆根方右用山人豆根不拘多少依下項治療一名解毒二名黃結

三名中藥患蠱毒密遺人和水研已禁聲服少許不止再服患瘡瘡以水研傅瘡上患喉痛含一片細嚙津患五種痔水研服患齒痛含一片於痛處患癰豆等瘡水研服少許患頭風搗末油調塗之患赤白痢搗末蜜丸空

心煎水下二十九丸三服自止患腹脹滿喘悶搗末少許煎水調一盞差患瘡癬搗末臘月指脂調塗之患頭上白屑搗末油浸塗如是孩兒即乳汁調半錢患中宿冷蟲寸白蟲每朝空心熱酒調三錢其蟲自出患五般急黃空心以水調二錢患蠱氣酒下二錢患霍亂搗皮湯下三錢患熱腫水研濃汁塗乾即更塗女人患血氣腹腫以末三錢熱酒下空心服之卒患腹痛水研半盞入口差蜘蛛咬唾和塗之狗咬趾蜈瘡蛇咬並水研傅之

三白草味甘辛寒有小毒主水腫脚氣利大小便消痰

破癥除積聚消丁腫生池澤畔

唐本注云葉如水蘆亦似葢又似菝葜葉上有


三黑點高尺許根如芹根黃白色而麤大今按陳藏器本草云三白草搗絞汁服令人吐逆除胃腸熱疾亦主瘡及小兒疳積按此草初生無白入夏葉端半白如粉農人候之蒔田三葉白草便秀故謂之三白若云三黑

點古人秘之據此即為未識妄為之注爾其葉如薯蕷  
亦不似水葒唐本先附臣禹錫等謹按蜀本圖經云出  
襄州二月八  
月採根用之





溜州蘭茹



藺

音閻茹音如

味辛酸寒微寒有小毒主蝕惡肉敗瘡死肌

殺疥蟲排膿惡血除大風熱氣善忘不樂去熱痺破癥

癥除息肉一名屈据一名離婁生代郡川谷五月採根

陰乾黑頭者良

甘草為之使惡麥門冬陶隱居云今第一出高麗色黃初斷時汁出凝黑如漆

故云漆頭次出近道名草藺茹色白皆燒鐵爍頭今黑以當漆頭非真也葉似大戟花黃二月便生根亦療瘡臣禹錫等謹按蜀本圖經云葉有汁根如蘿蔔皮黃肉白所在有之

圖經曰

藺茹生代郡川谷今河陽淄齊州亦有之二月生苗葉似大戟而花黃色根如蘿蔔皮赤黃肉

白初斷時汁出凝黑如漆三月開淺紅花亦淡黃色不著子陶隱居謂出高麗者此近之也四月五月採根陰

乾漆頭者良又有一種草蔞茹色白採者燒鐵爍頭令黑以當漆頭非真也然古方有用兩種者姚僧垣治癰疽生臭惡肉以白蔞茹散傅之看肉盡便停但傅諸膏藥若不生肉又傅黃者散惡肉仍不盡者可以黍頭赤皮蔞茹為散用半錢匕和白蔞茹散三錢合傅之差使赤白皆可也

### 聖惠方

治緞疽用蔞茹一兩搗為散不計時候溫水調下二錢匕

### 傷寒類要

治傷寒毒攻咽喉腫真蔞茹爪甲大內口中嚼汁熬當微覺為佳候

### 素問注云

蔞茹主散惡血

### 衍義曰

蔞茹治疥馬疥尤善服食方用者至少

蛇母

音母

汁大寒主胃腹大熱不止

陶隱居云田野亦多子赤色極似母而不

堪服人亦無服此為藥者療溪毒射工傷寒大熱甚良  
臣禹錫等謹按蜀本圖經云生下濕處莖端三葉花黃  
子亦若覆盆子根似敗醬二月八月採根四月五月採  
子所在有之日華子云味甘酸冷有毒通月經脇瘡腫

傳蛇  
蟲咬

### 食療云

主胃熱氣有蛇咬不得食主孩  
子口噤以汁含口中死亦再活

### 用後方

治毒攻手足腫痛蛇毒汁服三合  
日三水漬烏梅令濃納崖蜜飲之

### 傷寒類要

治天行熱盛口中生瘡飲蛇毒自然  
汁持絞一斗煎取五升稍稍飲之

### 行義曰


蛇毒今田野傍處處有之附地生葉如覆盆  
子但光潔而小微有縐紋花黃比蒺藜花差大

春末夏初結紅子  
如荔枝色餘如經

施州金星草



峽州金星草



金星草味苦寒無毒主癰疽瘡毒大解硫黃及丹石毒  
發背癰腫結核用葉和根酒煎服之先服石藥悉下又  
可作末冷水服及塗發背瘡腫上殊效根碎之浸油塗  
頭大生毛髮西南州郡多有之而以戎州者為上喜生  
陰中石上淨處及竹箐中不見日處或大木下或古屋  
上此草惟單生一葉色青長一二尺至冬大寒葉背生  
黃星點子兩行相對如金色因得金星之名其根盤屈  
如竹根而細折之有筋如猪馬鬣凌冬不凋無花實五

月 和 根 採 之 風 乾 用

新 定

圖 經 曰

金星草生關陝川蜀及潭婺諸州皆有又名金釧草味苦性寒無毒葉青多生背陰石上淨處

或竹箐中少日色處或生大木下及背陰多年瓦屋上  
初出深綠色葉長一二尺至深冬背上生黃星燕子兩  
兩相對色如金因以為名無花實凌冬葉不凋其根盤  
屈如竹根而細折之有筋如豬髮五月和根採之風乾  
解硫黃及丹石毒治發背癰腫結核用葉半斤和根剉  
以酒五升銀器中煎取二升五更初頓服丹石毒悉下  
又搗末冷水服方寸匕及塗發背瘡上亦效彼人多用  
往往皆驗根又主生毛髮超碎浸油塗頭良南人多用  
此草末以水一升煎取半更入酒半升再煎數沸溫服  
取下毒黑汁未下再服但是瘡腫皆可服之然性至冷  
服後下痢須補治乃  
平復老年不可輒服



經驗方

治五毒發背金星草和根淨洗慢火焙乾用四兩入生甘草一錢搗末分作四服每服用

酒一升已來煎三二沸後更以冷酒三二升相和入餅器內封却時時飲服忌生冷油膩毒物

衍義曰

金星草丹石毒發於背及一切癰腫每以根葉一分用酒一大盞煎汁服不惟下所服石藥兼


毒去瘡愈如不欲酒將末一二錢新汲水調服以知為度

全  
一  
五  
八  
二  
一

ノ

五  
二  
一

草 律



葎草味甘苦寒無毒主五淋利小便止水痢除瘧虛熱

渴煮汁及生汁服之生故墟道傍

唐本注云葉似草麻而小葎蔓生有細刺

俗名葛葎蔓古方亦時用之今按別本注云云水莓草四月五月採莖葉暴乾唐本先附臣禹錫等謹按蜀本圖經云蔓生葉似大麻花黃白子若大麻子俗名葛勒蔓夏採葉用所在墟野處多有之

圖經曰

葎草舊不著所出州土云生故墟道傍今處處有之葉如蓖麻而小薄蔓生有細刺花黃白子

亦類麻子四月五月採莖葉暴乾用俗名葛葎蔓又名葛勒蔓唐帝宙獨行方主癩遍體皆瘡者用葎草一擔以水二石煮取一石以漬瘡不過三作乃愈而本經亦關主疥功用又章丹主膏淋搖生汁三升酢二合相和空服頓服當溺如白汁又主久痢成疳取乾蔓搗篩量多少管吹穀道中不過三四差已若神

衍義曰

律草蔓勒蔓也治傷寒汗後  
虛熱剉研取生汁飲一合愈



涂州鶴虱



成州鶴虱

金匱要略卷之十一

卷十一





鶴虱味苦平有小毒主虻蛭用之為散以肥肉臠汁服

方寸匕亦丸散中用生西戎

唐本注云子似蓬蒿子而細合葉莖用之胡名鶴虱

今按別本注云心痛以淡醋和半匕服之立差出波斯者為勝今上黨亦有力量勢薄於波斯者唐本先附臣禹錫等謹按日華子云涼無毒殺五藏蟲止癰及傳惡瘡上

圖經曰

鶴虱生西戎今江淮衡湘間皆有之春生苗葉似紫蘇大而尖長不光莖高一尺許七月生

黃白花似菊八月結實子極尖細乾即黃黑色採無時南人呼其葉為火枚謹按篩發音枚即火枚也雖花實相類而別是一物不可雜用也殺蟲方中此為最要古今錄驗療虻咬心痛取鶴虱十兩擣篩密和丸如梧子以蜜湯空腹吞四十九日增至五十丸忌酒肉葷雲患心痛十年不差於雜方內見合服便愈李絳兵部手

某方治小兒蚘蟲噉心腹痛亦單用鶴虱細研以肥猪肉汁下五歲一服二分蟲出便止餘以意增減

### 外臺秘要

延年治蛔蟲吐水心痛鶴虱三兩為末蜜丸平旦漿水服二十九

### 千金方

治蟲咬心痛鶴虱一兩為末空心溫醋下蟲當出

### 沈存中筆談

地松即天名精鶴虱是實

地松味鹹主金瘡止血解惡蟲蛇螫毒按以傳之生人

家及路傍陰處所在有之高二三寸葉似菘葉而小

附今

臣禹錫等謹按本經草部上品天名精唐注云南人名為地菘又尋所主功效與此正同及據陳藏器解分合陶蘇二說亦以天名精為地菘則今此條不當重出雖陳藏器拾遺別立地菘條此乃藏器自成一書務多條

日爾解紛拾遺亦自差互後人即不當仍其謬而重  
有新附也今補注立例無所刊削故且存而注之

### 陳藏器

似天門冬  
苗出江南

### 外臺秘要

治惡瘡搗地菘汁  
服之日三四服差

### 聖惠方

治風毒癩瘰赤腫地菘  
搗傳瘰瘰上乾易之

雀麥味甘平無毒主女人產不出煮汁飲之一名薺一

名薺麥生故墟野林下葉似麥

今注苗似小麥而弱實  
似橫麥而細生嶺南在

處亦有唐  
本先附

### 外臺秘要

治齒墮并蟲積年不差從少至老方雀麥  
一名牡檟草俗名牛屎草一味苦瓠葉三

十枚淨洗取草剪長二寸廣一寸厚五分以瓢葉作五  
裹子以三年酢漬之至日中以兩裹火中炮令熟內口  
中蓋外邊熨之冷更易取銅器貯水水中解裹洗之即  
有蟲長三分老者黃色少者白色多即三二十枚少即  
一二十枚此  
一方甚妙

子毋秘錄

姓娠胎死腹中若胞衣不下上搶  
心雀麥一把水五升煮二升汁服

衍義曰

雀麥今謂之鶯麥其苗與麥同但穗細長而  
疎唐劉夢得所謂菟葵鶯麥動搖春風者也

甌帶灰主腹脹痛脫肛煮汁服主胃反小便失禁不通

及淋中惡尸疰金瘡刃不出

今按別本注云江南以蒲  
為甌帶取久用者燒灰入

藥味辛溫無毒甌帶久被蒸氣故能散氣通氣以灰封  
金瘡上血止痛出刃唐本先附臣禹錫等謹按蜀本云

取用久敗  
爛者也

外臺秘要

治眯目水服  
灰一錢匕

又方

小兒大便失血齕帶  
灰塗乳上與飲之差

肘後方

治草芒沙石眯目不出方  
齕帶反調水飲之即出

子母秘錄

治小兒夜啼  
齕帶懸戶上

又方

治小兒臍風瘡久不  
差燒齕帶灰傳上



華州赤地利



赤地利味苦平無毒主赤白冷熱諸痢斷血破血帶下

赤白生肌肉所在山谷有之

唐本注云葉似蘿摩蔓生根皮赤黑肉黃赤二月八

月採根日乾唐本先附臣禹錫等謹按蜀本圖經云蔓生繞草木上花子皆青色根若菘蕒皮紫赤色也

圖經曰

赤地利舊不載所出州土云所在山谷有之今惟出華山春夏生苗作蔓繞草木上莖赤葉青

似蕎麥葉七月開白花亦如蕎麥根若菘蕒皮黑肉黃赤八月內採根晒乾用亦名山蕎麥比下又有赤車使者條云似香葉蘭香葉莖赤根紫赤色生溪谷之陰出襄州八月九月採根日乾古方治大風濕痺等赤車使有識之者因附見於此

雷公云

凡採得後細剉用藍葉并根並剉唯赤地利細剉了用生絹袋盛同蒸一伏時去藍暴乾



用

聖惠方

治火燒瘡滅癩方用赤地  
利二兩搗末生油調塗之

外臺秘要

治小兒面及身上生瘡如  
火燒赤地利搗末敷之良

烏韭味甘寒無毒主皮膚往來寒熱利小腸膀胱氣療

黃疸金瘡內塞補中益氣好顏色生山谷石上

陶隱居  
云垣衣

亦名烏韭而為療則非是此種類也唐本注云此物即  
石衣也亦曰石苔又名石髮生巖石陰不見日處與卷  
栢相類也今按陳藏器本草去烏韭燒灰沫髮令黑生  
大石及木間陰處青翠茸茸者似苔而非苔也臣禹錫  
等謹按曰華子云石衣澁冷有毒垣衣為使燒灰沫頭  
長髮此即是陰濕處山石上苔長者可四五寸又名烏

蘇云

石苔非也

白附子主心痛血痺面上百病行藥勢生蜀郡三月採

陶隱居云此物乃言出苒苒久絕俗無復真者今人乃作之獻用唐本注云此物本出高麗今出涼州已西形似天雄本經出蜀郡今不復有涼州者生沙中獨莖似鼠尾草葉生穗間臣禹錫等謹按蜀本云味甘辛溫又圖經云葉細周匝生於穗間出砂碯下濕地日華子云無毒止中風失音一切冷風氣面肝癢疝入藥炮用新羅出者佳


海藥云

按南州記云生東海又新羅國苗與附子相似大溫有小毒主治疥癬風瘡頭面痕陰囊

下濕腿無力諸風冷  
氣入面脂皆好也

--	--	--	--	--	--	--	--	--


葛州紫葛



江寧府紫葛

金匱要略全書

卷十一



七二

紫葛味甘苦寒無毒主癰腫惡瘡取根皮搗為末醋和

封之生山谷中不入方用

唐本注云苗似葡萄根紫色大者徑二三寸苗長丈許唐

本先附臣禹錫等謹按蜀本圖經云蔓生葉似蓂蕒根皮肉俱紫色所在山谷有之今出台州二月八月採根皮日乾日華子云味苦滑冷主癰絞攣急并熱毒風通小腸紫葛有二種此即是藤生者

圖經曰

紫葛舊不載所出州土云生山谷今惟江寧府台州有之春生冬枯似葡萄而紫色長丈許大

者徑二三寸葉似蓂蕒根皮俱紫色三月四月採根皮日乾

經效方

治產後血氣衝心煩渴紫葛三兩以水二升煎取一升去滓呷之

又方

治金瘡生肌破血補損用紫葛二兩細剉以順流  
水三大盞煎取一盞半去滓食前分溫三服酒煎

亦  
妙

獨行根味辛苦冷有毒主鬼疰積聚諸毒熱腫蛇毒水

摩為泥封之日三四立差水煮一二兩取汁服吐蠱毒

唐本注云蔓生葉似蘿摩其子如桃李枯則頭四開懸  
草木上其根扁長尺許作葛根氣亦似漢防已生古隄

城傍山南名為土青木香療丁腫大效一名兜零根今  
按別本注云不可多服吐痢不止唐本先附臣禹錫等

謹按蜀本圖經云蔓生葉似蘿摩而圓且流花青白色  
子名馬兜零十月已後頭開四系若囊中實似榆莢二

月八月採根日乾所在平澤草木  
叢林中有日華子云無毒治血氣

行義曰

獨行根苗蔓生子則馬兜鈴也根扁其喚稍  
似葛根細擣水調傅丁腫後有馬兜鈴條



豬膏每

音每

味辛苦平無毒主金瘡止痛斷血生肉除諸

惡瘡消浮腫搗封之湯漬散傳並良

唐本注云葉似蒼耳莖圓有毛生下

濕地所在皆有一名虎膏一名狗膏生平澤今按別本注云又療虎及狗咬瘡至良唐本先附臣禹錫等謹按

蜀本圖經云葉似蒼耳兩枝相對莖葉俱有毛黃白色五月六月採苗日乾之陳藏器云豬膏草有小毒主久瘡癢癰生搗絞汁服得吐出痰亦碎傳蜘蛛咬蟲蠶咬蠅螻溺瘡似荏葉有毛蘇云無毒誤耳

鹿藿味苦平無毒主蠱毒女子腰腹痛不樂腸癰瘰癧

瘍氣生汶山谷

陶隱居云方藥不復用人亦罕識葛根之苗也一名鹿藿唐本注云此草


所在有之苗似豌豆有蔓而長大人取以為菜亦微有豆氣名為鹿豆也臣禹錫等謹按蜀本圖經云山人謂

之鹿豆亦堪生噉今所在有五月六月採苗日乾之爾  
雅云茵鹿藿其實菴釋曰茵一名鹿藿其實名菴郭云  
鹿豆也葉似大豆  
根黃而香蔓延生

梁簡文帝勸醫文

鹿藿止救  
頭痛之疴

滁州蚕休



蚤音早休味苦微寒有毒主驚癇搖頭弄舌熱氣在腹中

癩疾癰瘡陰蝕下三蟲去蛇毒一名蚩休生山陽川谷

及寬句唐本注云今謂重樓者是也一名重臺南人名草甘遂苗似王孫鬼白等有二三層根如肥大

昌蒲細肌脆白醋摩療癰腫傳蛇毒有效臣禹錫等謹按蜀本圖經云葉似鬼白牡蒙革年久者二三重根似

紫參皮黃肉白五月採根日乾用之日華子云重臺根冷無毒治胎風搗手足能吐瀉療瘰癧根如尺二蜈蚣又

加肥紫昌蒲又名蚩休螿休也

圖經曰蚩休即紫河車也俗呼重樓金線生山陽川谷及寬句今河中河陽華鳳文州及江淮間亦有

之苗葉似王孫鬼白等作二三層六月開黃紫花葉赤黃色上有金絲垂下秋結紅子根似肥薑皮赤肉白四

月五月採  
根日乾用

衍義曰

蚤休無旁枝止一莖挺生高尺餘顛有四五葉  
葉有歧似虎杖中心又起莖亦如是生葉惟根

入藥  
用

石長生味鹹苦微寒有毒主寒熱惡瘡大熱辟鬼氣不

祥下三蟲一名丹草生咸陽山谷

陶隱居云俗中雖時  
有採者方藥亦不復

用近道亦有是細細草葉花紫色爾南中多生石巖下  
葉似蕨而細如龍鬚草大黑如光漆高尺餘不與餘草  
雜也唐本注云今市人用蹤音零筋草為之葉似青菘  
莖細勁紫色今太常用者是也臣禹錫等謹按藥性論云  
石長生皮臣亦云石長生也味酸  
有小毒治疥癬逐諸風治百邪鬼魅

唐本餘

下三蟲謂長蟲赤蟲蛻蟲也苗高尺許用莖葉五月六月採

烏蘇

音

蘇味酸苦寒無毒主風毒熱腫遊丹蛇傷搗傅

并飲汁

唐本注云蔓生葉似白蘇生平澤今按別本注云四月五月採陰乾唐本先附臣禹錫等謹按

蜀本云或生人家籬墻間俗呼為籠草取根搗以傅癰腫多效又圖經云蔓生莖端五葉花青白色俗呼為五葉莓所在有之夏採苗用之陳藏器云五葉有五極子黑一名烏蘇草即烏蘇莓是也

陶云

五葉莓生人家籬墻間搗傅瘡腫蛇蟲咬處

英陸州蜀



陸英味苦寒主骨間諸痺四肢拘攣疼酸膝寒痛陰痿

短氣不足脚腫生熊耳川谷及冤句立秋採

唐本注云此即蒴藿

是也後人不識浪出蒴藿條此葉似芹及接骨花亦一類故芹名水英此名陸英接骨樹名木英此三英也花葉並相似臣禹錫等謹按藥性論云陸英一名蒴藿味苦辛有小毒能將風毒脚氣上衝心煩悶絕主水氣虛腫風瘙皮肌惡痒煎取湯入少酒可浴之妙

圖經曰

陸英生熊耳川谷及冤句蒴藿不載所出州土但云生田野今所在有之春抽苗莖有節節間

生枝葉大似水芹及接骨春夏採葉秋冬採根莖或云即陸英也本經別立一條陶隱居亦以為一物蘇恭云藥對及古方無蒴藿惟言陸英明非別物今注以性味不同疑非一種謂其類耳然亦不能細別再詳陸英條



不言所用蒴藿條云用葉根莖蓋一物而所用別故性  
味不同何以明之蘇恭云此葉似芹及接骨花亦一類  
故芹名水英此名陸英接骨名木英此三英花葉並相  
似又按爾雅云華蓍音敷也華蓍榮也木謂之華草謂  
之榮不榮而實者謂之秀榮而不實者謂之英然則此  
物既有英名當是其花耳故本經云陸英立秋採立秋  
正是其花時也又葛氏方有用蒴藿者有用蒴藿根者  
有用葉者三用名別正與經載三時所採者相會謂陸  
英為花  
無疑也



壁州預知子



預知子味苦寒無毒殺蟲療蠱治諸毒傳云取二枚綴衣領上遇蠱毒物則聞其有聲當便知之有皮殼其實

如皂莢子去皮研服之有效

今附臣禹錫等謹按日華云盍合子溫治一切風補

五勞七傷其功不可備述并治瘧瘵氣塊天行溫疾消宿食止煩悶利小便催生解毒藥中惡失音髮落傳一切蛇蟲蠶咬雙仁者可帶單方服治一切病每日取仁二七粒患者服不過三千粒永差又名仙治子聖知子預知子

圖經曰

預知子舊不載所出州土今淮蜀漢黔壁諸州有之作蔓生依大水上葉綠有三角面深背淺

七月八月有實作房初生青至熟深紅色每房有子五枚如皂莢子斑褐色光潤如飛蛾舊說取二枚綴衣

領上遇蠱毒物則側側有聲當便知之故有此名今蜀  
人極貴重云亦難得採無時其根味苦性極冷其效愈  
於子山民目為聖無憂冬月採陰乾石臼內  
搗末篩凡中蠱毒則水煎三錢匕溫服立已



廣州葫蘆巴



廣州葫蘆巴

三

葫蘆巴主元臟虛冷氣得附子硫黃治腎虛冷腹脅脹  
滿面色青黑得懷香子桃仁治膀胱氣甚效出廣州并

黔州春生苗夏結子子作細莢至秋採今人多用嶺南

者新定今據廣州所供圖畫收附草部下品之末而或

者云葫蘆巴蕃蘿蔔子也當附蘆菴之次此世俗相  
傳之謬未知審的不可依據至如舊說蘇合香附子屎  
豈可附于獸部入補骨脂徐表南州記云是莖子也亦

不附于菜部今之  
所附亦其比也

**圖經**

**曰**葫蘆巴生廣州或云種出海南諸蕃蓋其國蘆  
菴子也舶客符種蒔於嶺外亦生然不及蕃中

來者真好春生苗夏結子作莢至秋採之今醫方治元  
臧虛冷氣為最要然本經不著唐以前方亦不見者蓋



續十全方

弓弩絃燒灰為末用酒服二錢匕主易生

產寶論


云滑胎易產弓弩弦縛心下立差

房屋經

憂姙娠欲得男女覺有孕未滿月以弓弩絃為帶縛腰中滿三月解却轉女為男宮中秘法不

出傳

秦州木賊



木賊味甘微苦無毒主目疾退翳膜又消積塊益肝膽  
明目療腸風止痢及婦人月水不斷得牛角鯉麝香治  
休息痢歷久不差得禹餘糧當歸芎藭療崩中赤白得  
槐鵝桑耳腸風下血服之效又與槐子枳實相宜主痔  
疾出血出秦隴華成諸郡近水地苗長尺許叢生每根  
一蘗無花葉寸寸有節色青凌冬不凋四月採用之

新定

**圖經**

**曰**

木賊生秦隴同華間味微苦無毒主明目療風  
止痢所生山谷近水地有之獨莖苗如箭筈無

葉長一二尺青色經冬不枯寸寸有節採無時今醫用  
之最多甚治腸痔多年不差下血不止方木賊枳殼各

二兩乾薑一兩大黃一分四味並剉一處於銚子內炒  
黑色存三分性持羅溫粟米飲調食前服一錢匕甚效

### 廣利方

治瀉血不止木賊十二分切以水一升入合  
煎取八合去滓空心溫分二服如人行五里

再服

### 衍義曰

木賊細剉微炒搗為末沸湯煎二錢  
食前服治小腸膀胱氣緩服必效

薑

音  
儘

草味苦平無毒主久欬上氣喘逆久寒驚悸痂疥

白禿瘍氣殺皮膚小蟲可以染黃作金色生青衣川谷

九月十月採

畏鼠婦陶隱居云青衣在益州西唐本注  
云此草葉似竹而細薄莖亦圓小生平澤

溪澗之側荆襄人煮以染黃色極鮮好洗瘡有效俗名  
葉萼草爾雅云所謂王芻者也臣禹錫等謹按爾雅疏

云菘鹿蓐也今呼鷓鴣脚  
莎詩衛風云瞻彼淇澳  
菘竹猗猗是也藥性論云  
蓋草使治一切惡瘡

蒲公草



蒲公草味甘平無毒主婦人乳癰腫水煮汁飲之及封

之立消一名搗穉草

唐本注云葉似苦苣花黃斷有白汁人皆做之唐本先附臣禹錫等謹

按蜀本圖經云花如菊而大莖葉斷之俱有白汁堪生食生平澤田園中四月五月採之

圖經曰

蒲公草舊不著所出州土今處處平澤田園中皆有之春初生苗葉如苦苣有細刺中心抽一

莖莖端出二花色黃如金錢斷其莖有白汁出人亦做之俗呼為蒲公草語訛為僕公瞿是也水煮汁以療婦人乳癰入搗以傅瘡皆佳又治惡刺及狐尿刺摘取根莖白汁塗之惟多塗立差止此方出孫思邈千金方其序云余以貞觀五年七月十五日夜以左手中指背觸著庭木至曉遂患痛不可忍經十日痛日深瘡日高大色如熟小豆色嘗聞長者之論有此方遂依治之手下則愈痛亦除瘡亦即差未十日而平復揚炎南行方亦

著其效云

### 梅師方

治產後不自乳兒畜積乳汁結作癰  
取蒲公英搗傅腫上日三四度易之

衍義曰

蒲公英今地丁也四時常有花花罷飛絮絮中  
有子落處即生所以寺院間亦有者蓋因風而

來也






江寧府穀精草



秦州穀精草

金匱要略卷之十一

卷十一



穀精草味辛溫無毒主療喉痺齒風痛及諸瘡疥飼馬  
主蟲頰毛焦等病二月三月於穀田中採之一名戴星

草花白而小圓似星故有此名爾

今附臣禹錫等謹按  
日華子云涼饒飼馬

肥二三升於田中生白  
花者結水銀成沙子

圖經曰

穀精草舊不載所出州土今處處有之春生於  
穀田中葉莖俱青根花並白色二月三月內採

花用一名戴星草以其葉細花白而小圓似星故以名  
爾又有一種莖較差長有節根微赤出秦隴間古方稀  
用今口蓋  
藥多使之


陳藏器

云味甘平亦入馬  
藥用之白花細葉

集驗方

治偏正頭痛較精草一兩為末用白  
麴調攤紙花子上貼痛處乾又換

潞州牛扁



牛扁

福音

味苦微寒無毒主身皮瘡熱氣可作浴湯殺牛

蝨小蟲又療牛病生桂陽川谷

陶隱居云今人不復識此牛疫代代不無用之

既要牛醫家應用而亦無知者唐本注云此藥似三莖石龍芮等根如秦艽而細生平澤下濕地田野人名為牛扁療牛虱甚效太常貯名扁特或名扁毒臣禹錫等謹按蜀本圖經云葉似石龍芮附子等今出寧州二月根日乾

圖經曰

牛扁出桂陽川谷今潞州寧州亦有之葉似三莖石龍芮等根如秦艽而細多生平澤下濕地

二月八月採以日乾今亦稀用按本經云殺牛蝨小蟲蘇恭注云太常貯名扁特今潞州止一種名便特六月有花八月結實採其根搗末油調殺蟻蝨根苗主療大都相似疑此即是牛扁但扁便不同豈聲近而字訛乎

今以附之

苦芙

音換

微寒主面目通身漆瘡

陶隱居云處處有之俗士莖切人取莖生食之

五月五日採暴乾燒作灰以療金瘡甚驗唐本注今人為漏蘆非也臣禹錫等謹按蜀本圖經有云子若猶蒟莖圓無刺五月採苗堪生噉所在下濕地有之藥性論云苦芙草亦可單用味苦無毒日華子云冷治丹毒

食療云

苦芙微寒生食治漆瘡五月五日採暴乾作灰傅面目通身漆瘡不堪多食爾





酢漿草



酢漿草味酸寒無毒主惡瘡癩癭痔傳之殺諸小蟲生

道傍

唐本注云葉如細萍叢生莖頭有三葉一名醋母草一名鳩酸草今按別本注云生陰濕處俗為小

酸芽食之解熱渴四月五月採陰乾唐本先附臣禹錫等謹按蜀本圖經云葉似水萍兩葉並大葉同枝端黃

色實黑生下濕地夏採葉用之

圖經曰

酢漿草俗呼為酸漿舊不載所出州土云生道傍今南中下濕地及人家園圃中多有之北地

亦或有生者葉如水萍叢生莖端有三葉葉間生細黃花實黑夏月採葉用初生嫩時小兒多食之南人用楷

銚石器令

白如銀

昨葉何草味酸平無毒主口中乾痛水穀血痢止血生

上黨屋上如蓬初生一名瓦松夏採日乾

唐本注云葉似蓬高尺餘

遠望如松裁生年久瓦屋上今按別本注云今處處有皆入藥用生眉髮膏為要爾唐本先附臣禹錫等謹按


圖經云六月七月採苗日乾之

### 聖惠方

治頭風白屑用瓦松暴乾燒灰淋汁熱洗頭不過六七度



揚州蕝頭



莧

音弱

頭味辛寒有毒主癰腫風毒摩傳腫上擣碎以灰

汁煮成餅五味調和為茹食性冷主消渴生戟人喉出

血生吳蜀葉似由跋半夏根大如椀生陰地雨滴葉下

生子一名莧莧又有斑杖苗相似至秋有花直出生赤

子其根傳癰腫毒甚好根如莧頭毒猛不堪食

今附臣禹錫等

謹按日華子云斑杖者虎杖之別名即前條虎杖是也

圖經

文具天南星條下

滌州夏枯草





夏枯草味苦辛寒無毒主寒熱瘰癧鼠瘻頭瘡破癥散  
瘰結氣脚腫濕痺輕身一名夕句一名乃東一名燕面

生蜀郡川谷四月採

土瓜為之使唐本注云此草生平澤葉似旋復首春即生四月穗出

其花紫白似丹參花  
五月梗枯處處有之

圖經曰

夏枯草生蜀郡川谷今河東淮浙州郡亦有之  
冬至後生葉似旋復三月四月開花作穗紫白

色似丹參花結子亦作  
穗至五月枯四月採

簡要濟衆

治肝虛目睛疼冷淚不止筋脉痛及眼羞  
明怕日補肝散夏枯草半兩香附子一兩

共為末每服一錢入  
茶調下無時候服

行義曰

夏枯草今又謂之鬱臭自秋便生經冬不瘁春開白花中夏結子遂枯古方凡燒灰合緊面藥初

生嫩時作菜食之須浸洗淘去苦水治瘰癧鼠漏

鷲蓐草無毒主眠中遺溺不覺燒令黑研水進方寸七

亦主噦氣比鷲窠中草也

新補見陳藏器日華子

千金方

治婦人無故尿血胡鷲窠中草末用酒服半錢亦治丈夫

孫真人食忌

主卒患腰惡瘡若先發於心已有汁者以胡鷲窠末和水塗之治不可遲徧身即害

死人

鴨跖草味苦寒無毒主寒熱瘴瘧痰飲丁腫肉癥溢滯

小兒丹毒發熱狂癩大腹痞滿身面氣腫熱痢蛇犬咬  
癰疽等毒和赤小豆煮下水氣濕痺利小便生江東淮  
南平地葉如竹高一二尺花深碧有角如鳥背北人呼  
為鷄舌草亦名鼻斫草吳人呼為跖跖斫聲相近也一  
名碧竹子花好為色

新補見陳藏  
器日華子

山慈菘根有小毒主癰腫瘡癢癰瘰癧結核等醋摩傅之  
亦剝人面皮除疔蠅生山中濕地一名金燈花葉似車  
前根如慈菘零陵間又有團慈菘根似小蒜所主與此

畧同


新補見陳藏器及日華子

經驗方

貼瘡腫以山慈菰一名鹿蹄草取莖葉搗為膏入蜜貼瘡口上候清血出效



尚實



尚音項實味苦平無毒主赤白冷熱痢散服飲之吞一枚

破癰腫

唐本注云一作潰字人取皮為索者也今按別本注云令人作布及索蒴麻也實似大麻子熟

結癰腫無頭吞之則為頭易穴九月十月採實陰乾唐本先附臣禹錫等謹按蜀本圖經云樹生高四尺葉似

芋花黃實殼如蜀葵子黑古方用根八月採實

圖經曰

尚實舊不載所出州土今處處有之北人種以績布及打繩索苗高四五尺或六七尺葉似芋

而薄花黃實帶殼如蜀葵中子黑色九月十月採實陰乾用古方亦用根

楊氏產乳

治赤白痢瀉麻子一兩炒令香熟為末以蜜漿下一錢不過再服

赤車使者味辛苦温有毒主風冷疝疔毒癥瘕五藏

積氣

唐本注云苗似香茱萸香葉莖赤根紫赤色生溪谷之陰出襄州八月九月採根日乾唐本先附臣

禹錫等謹按蜀本圖經云根紫如蕩根生荊州襄州山谷二月八月採藥性論云亦車使者有小毒能治惡風

冷氣服之悅澤  
皮肌好顏色

圖經

文具亦地  
利條下

雷公云

赤車使者元名小錦枝凡使並鹿槿用七歲童子小便拌了蒸令乾更晒每修事五兩用

小兒溺一  
溢為度

狼跃子有小毒主惡瘡蝮疥殺蟲魚

陶隱居云出交廣形扁扁爾槿以雜

米投水中魚無大小皆浮出而死人用苦酒摩療疥亦殺唐本注云此今京下呼黃環子為之亦謂度



各一名就葛陶云出交廣今交廣送入太常正是黃  
環子非餘物爾今按別本注云味苦寒藤生花紫色

屋遊味甘寒主浮熱在皮膚往來寒熱利小腸膀胱氣

生屋上陰處八月九月採

陶隱居云此瓦屋上青苔衣  
剝取煮服之今按別本注云

無毒主小兒癩熱時氣煩悶止渴臣禹錫等  
謹按蜀本圖經云古瓦屋北陰青苔衣也

滁州地錦草



地錦草味辛無毒主通流血脈亦可用治氣生近道田野出滁州者尤良莖葉細弱蔓延于地莖赤葉青紫色夏中茂盛六月開紅花結細實取苗子用之絡石注有地錦是藤蔓之類雖與此名同而其類全別

新定

圖經曰

地錦草生滁州及近道田野中味辛無毒主通流血脈亦治氣其苗葉細弱作蔓遍地莖赤葉

青赤中夏茂盛八月開紅花細實今醫家取苗子用之本經絡石條注中有地錦與此同名而別是一類也

經驗方

治藏毒赤白地錦草採得後洗暴乾為末米飲下一錢立效

敗船茹

音如

平主婦人崩中吐痢血不止

陶隱居云此是大輻步與切膈

他盡切刮竹茹以程直萌切漏處者取乾煮之亦燒作屑服之

### 千金方

治婦人遺尿不知出時  
故茹為末酒調服三錢

### 子母秘錄

治無故遺血溺船中故竹茹  
末酒服三錢七日三服

燈心草味甘寒無毒根及苗主五淋生煮服之生江南

澤地叢生莖圓細而長直人將為席敗席煮服更良  
附今

### 經驗方

治小兒夜啼用燈心  
燒灰塗乳上與喫

### 勝金方

治破傷多用燈心草爛嚼  
和唾貼之用帛裹血立止

### 又方

治小蟲蟻入耳挑不出  
者以燈心浸油鉤出蟲

衍義曰

燈心草陝西亦有蒸熟乾則拆取中心穰然燈者是謂之熟草又有不蒸但生乾剥取者為生

草入藥宜

用生草

五毒草味酸平無毒根主癰疽惡瘡毒腫赤白遊癩蠱

蠶蛇犬咬並醋摩傳瘡上亦擣莖葉傳之恐毒入腹亦

煮服之生江東平地花葉如蕎麥根緊硬似狗脊一名

五蕞一名蛇罔又別有蠶罔草如苧麻與蕞同名也

新補見陳

藏器

鼠麴草味甘平無毒調中益氣止洩除痰壓時氣去熱

噉雜米粉作糗食之甜美生平崗熟地高尺餘葉有白  
毛黃花荆楚歲時記云三月三日取鼠麴汁蜜和為粉  
謂之龍舌糝以壓時氣山南人呼為香茅取花雜擗皮  
染褐至破猶鮮江西人呼為鼠耳草

新補見陳藏器日華子

列當味甘溫無毒主男子五勞七傷補腰腎令人有子  
去風血煮及浸酒服之生山南巖石上如薊根初生掘

取陰乾亦名粟當一名草蓀蓉

附今

圖經

文具肉蓀蓉條下

食醫心鏡

主與陽事粟當二斤一名列當搗篩畢以酒一斗浸經宿遂性飲之

馬勃味辛平無毒主惡瘡馬疥一名馬屁生園中久腐

處

陶隱居云俗人呼為馬窠勃紫色虛軟狀如狗肺彈之粉出傳諸瘡用之甚良也臣禹錫等謹按蜀本圖

經云此馬屁菌也虛軟如紫紫彈之紫塵出生濕地及腐木上夏秋採之

衍義曰

馬勃此唐韓退之所謂牛溲馬勃俱收並蓄者也有大如斗者小亦如升杓去膜以蜜採拌少

以水調呷治喉閉咽痛

屐

音劇屐

變音鼻繩灰水服主噎哽心痛胃滿

今按別本注云屐屐江南

有之北人不識以桐木為屐及屐也用蒲為屐用麻穿其鼻也久著脚者堪入藥用唐本先附臣禹錫等謹按

蜀本圖經云取著經久  
遠欲爛斷者水服之良

質汗味甘溫無毒主金瘡傷折瘀血內損補筋肉消惡  
血下血氣婦人產後諸血結腹痛內冷不下食並酒消  
服之亦傳病處出西蕃如凝血蕃人煎甘草松淚檉乳  
地黃并熱血成之

附今

陳藏器

云蕃人試藥取兒斷一足以藥內  
口中以足蹋之當時能走者至良

水蓼主蛇毒擣傅之絞汁服止蛇毒入內心悶水煮漬

搗脚消氣腫

唐本注云葉似蓼莖赤味辛生下濕水傍  
今按別本注云生於淺水澤中故名水蓼



其葉大於家蓼水按食之勝於蓼子唐本先附  
臣禹錫等謹按日華子云水蓼味辛冷無毒

### 集驗方

治脚痛成瘡先剉水蓼煮湯令  
溫熱得所頻頸淋洗瘡乾自安

### 衍義曰

水薺子不拘多少微炒一半餘一半生用同為  
末好酒調二錢日三服食後夜臥各一服治瘰

瘰破者亦治又水蓼大率與水紅相似但枝低  
耳今造酒取以水浸汁和麵作麴亦假其辛味

猶草味甘大寒無毒主濕痺消水氣合赤小豆煮食之

勿與鹽主脚氣頑痺虛腫小腹急小便赤澁擣葉傳毒

腫又絞取汁服之主消渴生水田中似結縷葉長馬食

之爾雅云猶蔓于注云生水中江東人呼為萑證俗云

猶水草也

新補見  
陳藏器

衍義曰

猶草爾雅曰首音猶蔓于左傳亦曰  
一薰一猶十年尚猶有臭者是此草

敗芒箔無毒主產婦血滿腹脹痛血渴惡露不盡月閉  
止好血下惡血去鬼氣疰痛癥結酒煮服之亦燒為末  
酒下彌久著煙者佳今東人作箔多草為之爾雅云芒

似茅皮可為索

新補見  
陳藏器

狗舌草味苦寒有小毒主蠱疥瘡瘡殺小蟲

唐本注云  
葉似車前

無文理抽莖花黃白細叢生渠壟濕地今按別本注云  
疥瘡風瘡並皆有蟲為末和塗之即差四月五月採莖

暴乾唐  
本先附

黔州海金沙



海金沙主通利小腸得梔子馬牙消蓬沙共療傷寒熱  
狂出黔中郡七月收採生作小株才高一二尺收時全  
科於日中暴之令小乾紙襯以杖擊之有細沙落紙上  
旋收之且暴且擊以沙盡為度用之或丸或散

新定

圖經曰

海金沙生黔中山谷湖南亦有初生作小株高一二尺七月採得日中暴令乾以紙襯擊取其

沙落紙上旋暴旋擊沙盡乃止主通利小腸亦入傷寒  
狂熱藥令醫治小便不通臍下滿悶方海金沙一兩臘  
面茶半兩二味搗研令細每服三錢煎  
生薑甘草湯調下服無時未通再服

草 萱



萱草根涼無毒治沙淋下水氣疰酒疸黃色通身者取根搗絞汁服亦取嫩苗煮食之又主小便赤澁身體煩熱一名鹿蔥花名宜男風土記云懷妊婦人佩其花生

男也

新補見陳藏器日華子

圖經曰

萱草俗謂之鹿蔥處處田野有之味甘而無毒主安五藏利心志令人好歡樂無憂輕身明目五月採花八月採根用今人多採其嫩苗及花附作菹云利胃賜甚佳

嵇康養生論云

合歡蠲忿萱草忘憂

衍義曰

萱草根洗淨研汁一大盞生薑汁半盞相合時時細呷治大熱衄血

格注草味辛苦温有大毒主蠱症諸毒疼痛等生齊魯

山澤

唐本注云葉似蕨根紫色若紫草根一株有二十許二月八月採根五月六月採苗日乾唐本先附

唐本餘

注云圖經出齊州兗州山谷間

雞窠中草主小兒白禿瘡和白頭翁花燒灰臘月猪脂傳之瘡先以酸泔洗然後塗之又主小兒夜啼安席下

勿令母知

新補見陳藏器日華子

千金方

治產後遺尿故雞窠中草燒作末酒下一錢即差

雞冠子涼無毒止腸風瀉血赤白痢婦人崩中帶下入



藥炒用

新補見陳藏器曰華子

地椒味辛溫有小毒主淋煤腫痛可作殺蛙蠱藥出上

黨即其苗覆地蔓生莖葉甚細花作小朶色紫白因舊

莖而生

新定

草三稜根味甘平溫無毒療產後惡血通月水血結墮胎破積聚癥瘕止痛利氣一名雞爪三稜生蜀地二月

八月採

今附

合明草味甘寒無毒主暴熱淋小便赤溢小兒瘕病明

目下水止血痢搗絞汁服生下濕地葉如四出花向夜

即葉合

齋補見陳藏器日華子

鹿藥味甘溫無毒主風血去諸冷益老起陽浸酒服之

生姑臧已西苗根並似黃精根鹿好食

附今

敗天公平主鬼疰精魅

陶隱居云此人所戴竹笠之敗者也取上竹燒酒服之

### 一十一種陳藏器餘

毛茛釣吻注陶云鈎吻或是毛茛蘇云毛茛是有毛石

龍芮也百一方云菜中有水茛葉圓而光有毒生水旁

蟹多食之蘇云又注似水蓂無毛其毛蓂似龍芮而有  
毒也

蔭命鈎吻注陶云有一物名陰命赤色著木懸其子生  
海中有毒又云海薑生海中赤色狀如龍芮亦大毒應  
是此也今無的識之者

毒菌地漿注陶云山中多有毒菌地漿解之地生者為  
菌木生者為櫛江東人呼為蕈爾雅云中禡菌注云地  
蕈子也或云地雞亦云麋頭夜中光者有毒煮不熟者

有毒煮訖照人無影者有毒有惡蟲鳥從下過者有毒  
欲爛無蟲者有毒冬春無毒及秋夏有毒者為蛇過也  
草禹餘糧注陶公云南人又呼平澤中一藤如菝葜為  
餘糧言禹採此當糧根如蓋連綴半在土上皮如茯苓  
肉赤味澁人取以當穀不飢調中止洩健行不睡云昔  
禹會諸侯棄糧於地化為此草故名餘糧今多生海畔

山谷

鼠蓑草莎草注陶云別有鼠蓑草治體異此有名無用

條有藜草味苦寒主溫瘧寒熱酸斯利氣生淮南山谷  
即此也

廉薑杜若注陶云若似廉按廉薑熟主胃中冷吐水不  
下食似薑生嶺南劔南人多食之

草石蠶蟲石蠶注陶云今俗用草根黑色按草石蠶生  
高山石上根如箸上有毛節如蠶葉似卷柏山人取浸  
酒除風破血主溪毒煮食之本經從蟲部出復有蟲石  
蠶已出拾遺

漆姑草杉木注洵云葉細細多生石間按漆姑草如鼠  
跡大生堦墀間陰處氣辛烈主漆瘡按研傳之熱更易  
亦主溪毒瘡蘇云此蜀羊泉羊泉是大草非細者乃同  
名耳


麋目葶菟注陶云麋目小冷按麋目云出嶺南如麋目  
食之發冷瘕餘別無功

梨豆蚰蚘注陶云蚘膽如梨豆生江南蔓如葛子如皂  
莢子作狸首文故名梨豆爾雅云慮涉子人炒食之一

名虎涉別無功

諸草有毒瓜兩蒂兩鼻害人瓜瓠正苦有毒簷溜滴著  
菜有毒莖黃花害人芹赤葉害人菰首蜜食下痢生葱  
不得雜白犬肉食之令人九竅流血食戎葵并烏肉令  
人面無顏色食葵發狂犬咬食葫蔥青魚令人腹生蟲  
薤不得和牛肉食成癥瘕痼疾婦人妊娠食乾薑令胎  
肉消生葱和雞子食變嗽蓼薑食生食令氣奪乏令陰  
痿九月食霜下瓜血必冬發三月不得食陳菹夏熱病

發惡瘡。牛踐苗子即苦。








證類本草卷十一

名虎涉別無功

諸草有毒瓜兩蒂兩鼻害人瓜瓠正苦有毒簷溜滴著  
菜有毒莖黃花害人芹赤葉害人菰首蜜食下痢生葱  
不得雜白犬肉食之令人九竅流血食戎葵并烏肉令  
人面無顏色食葵發狂犬咬食葫葱青魚令人腹生蟲  
薤不得和牛肉食成癥瘕痼疾婦人妊娠食乾薑令胎  
肉消生葱和雞子食變嗽蓼薑食生食令氣奪乏令陰  
痿九月食霜下瓜血必冬發三月不得食陳菹夏熱病

發惡瘡。牛踐苗子即苦。





證類本草卷十一